

醫

學

心

悟

醫學心悟第三卷

天都普明子程國彭鍾齡

中風門

中風者。真中風也。有中腑中臟中血脈之殊。中腑者。中在表也。外有六經之形症。與傷寒六經傳變之症無異也。中太陽用桂枝湯。中陽明葛根湯。加桂枝。中少陽小柴胡湯。加桂枝。其法悉具傷寒門。茲不贅中臟者。中在裏也。其人眩仆昏冒。不醒人事。或痰聲如曳。踞宜分臟腑寒熱而治之。假如其人素挾虛寒。或暴中新寒。則風水相遭。寒水徹骨。而風爲寒風矣。假如其人素有積熱。或鬱火暴發。則風乘火勢。火借風威。而風爲熱風矣。爲

熱風多見閉症。其症牙關緊閉。兩手握固。法當疏風開竅。先用
搐鼻散吹之。次用牛黃丸灌之。若大便閉結。腹滿脹悶。火勢極
盛者。以三化湯攻之。爲寒風多見脫症。其症手撒脾絕。眼合肝
絕。口張心絕。聲如肝肺絕。遺尿腎絕。更有兩目直視。搖頭上竄。
髮直如柱。汗出如珠。皆脫絕之症。法當溫補元氣。急用大劑附
子理中湯灌之。若痰涎壅盛。以三生飲加人參灌之。間亦有寒
痰壅塞。介乎閉脫之間。不便驟補者。用半夏湯紅各兩許。濃煎
至一杯。以生薑自然汁對沖。頻頻灌之。其人卽甦。然後接其虛
而調之。然予自揣生平。用附子理中治愈者甚多。其用牛黃丸
治愈者亦恆有之。惟三化湯一方。並未舉用。此必天時地土大

事之不同。然寒熱之劑。屹然並立。古方具在。法不可泯。故兩存之。以備參酌。中血脈者。中在經絡之中也。其症口眼歪斜。半身不遂是也。大秦芩湯主之。偏在左。倍用四物湯。偏在右。佐以四君子湯。左右俱病。佐以八珍湯。並虎骨膠丸。此治真中之大法也。

口噤。角弓反張。痙病也。但口噤而兼反張者。是已成痙也。小續命湯。口噤而不反張者。是未成痙也。大秦芩湯。其痙病俱見。前傷寒兼症中。宜細加查核。

不語有心。脾腎三經之異。又有風寒客於會厭。猝然無音者。大法若因痰。迷心竅。當清心火。牛黃丸。神仙解語丹。若因風痰聚。

於脾經當導痰涎。二陳湯加竹瀝薑汁。並用解語丹。若因腎經虛火上炎。當壯水之主。六味湯加遠志石菖蒲。若因腎經虛寒厥逆。當益火之源。劉河間地黃飲子。或用虎骨膠丸。加鹿茸。若風寒客於會厭。聲音不揚者。用甘桔湯加疎散藥。遺尿謂之腎絕。多難救。然反目遺尿者。為腎絕。若不反目。但遺尿者。多屬氣重。用參芪等藥補之。則愈。

桂枝湯

葛根湯

小柴胡湯

俱見傷寒

搐鼻散

治一切中症。不省人事。用此吹鼻中。有嚏者生。無嚏

者難治。

細辛

去葉

皂角

去皮弦各一兩

半夏

生用五錢

為極細末、磁餅收貯、勿洩氣、臨用吹一二分、入鼻孔中、取嚏。
牛黃丸 治中風痰火閉結、或痰癡癰瘰、語言蹇澁、恍惚眩暈、精神昏憒、不省人事、或喘嗽痰壅、煩心等症。

牛黃 六錢

麝香

龍腦 以上三味另研

羚羊角

當歸 酒洗

防風

黃芩

柴胡

白朮

麥冬 去心

白芍 各七錢五分

桔梗

白茯苓

杏仁 去皮尖

川芎

大荳黃卷

阿膠 各八錢五分

蒲黃

人參 去蘆

神麴 各一兩二錢五分

雄黃 另研四錢

甘草 二兩五錢

白欬

肉桂 去皮

乾薑 各三錢七分

犀角 鎊一兩

乾山藥 三兩五錢

大棗 五十枚 蒸爛去皮核

金箔

六伯五十片內
存二百片為衣

為細末、煉蜜同棗膏丸、每兩作十九、用金箔為衣、每服一九、

溫水化下、

三化湯

治中風入臟、熱勢極盛、閉結不通、便溺阻隔、不行、乃

風火相搏、而為熱風者、本方主之、設內有寒氣、大便反鞭、名
曰陰結、陰結者、得和氣、日暖、寒冰自化、不可誤用攻藥、誤即
不能復救、慎之、慎之、

厚樸

薑汁炒

大黃

酒蒸

枳實

麩炒

羌活

各一錢
五分

水煎服

附子理中湯

見中寒

治寒風中臟、陰冷極盛、脫症隨見、此風

水相遭而爲寒風者急服此藥猶可得生夫病屬脫症設誤用疏通開竅之藥如人旣入井而又加之以石也必須參附大劑飲之方爲合法

三生飲 治寒風中臟六脈沉細痰壅喉嚨不省人事乃寒痰厥逆之候

生南星

生烏頭去皮

生附子各一錢五分

生薑五片

生木香五分

水煎服。薛立齋云三生飲乃行經絡治寒痰之良藥新開奪旗之神劑每服必用人參兩許駕馭而行庶可驅外邪而補真氣否則不惟無益適以取敗觀先哲用芪附米附參附

等湯其義可見。

大秦羌湯 治風中經絡口眼歪斜半身不遂或語言蹇澀乃血弱不能養於筋宜用養血疏風之劑經云治風先治血血行風自滅是也。

秦艽 一錢五分

甘草 炙

川芎

當歸

芍藥

生地

熟地 自製

茯苓

羌活

獨活

白朮

防風

白芷

黃芩

酒炒各八分

細辛

水煎服如或煩躁口渴加石膏一錢五分陰雨加生薑三片春夏加知母八分。

竊謂本方初時宜用若日久則以四物四君為主而以風藥佐之庶收全功。

四物湯

四君子湯

八珍湯

俱見虛症

虎骨膠丸

見痹症

小續命湯

見傷寒發瘧

六味湯

見後類中門

甘桔梗湯

見傷寒咽痛

神仙解語丹

白附子

炮

石菖蒲

去毛

遠志

去心甘草水炮炒

天麻

全蝎

去尾甘水洗

南星

牛膽製多次更佳各一兩

木香

錢五

右為末麩糊丸龍眼大每服一丸薄荷湯下

二陳湯

陳皮

茯苓

半夏

薑汁炒

炙草

各一分

薑一片大棗二枚水煎服

地黃飲子

熟地九蒸晒
二錢

巴戟去心

黃肉去核

肉蓯蓉酒浸

石斛

附子炮

五味炒

白茯苓各錢

石菖蒲去毛

桂心

麥冬去心

遠志去心
甘草水
泡炒各五分

入薄荷少許薑一片棗二枚水煎服○氣虛加入參二錢

類中風

類中風者謂火中虛中濕中寒中暑中氣中食中惡中也共有八種與真中相類而實不同也然類中有與真中相兼者須細察其形症而辨之凡真中之症必連經絡多見歪斜偏廢之候

與類中之專氣致病者自是不同然而風乘火勢邪乘虛入寒
風相搏暑風相炫飲食招風種種變症所在多有務在詳辨精
細果其爲真中也則用前驅風法果其爲類中也則照本門施
治果其爲真中類中相兼也則以兩門醫法合治之斯無弊耳
並舉類中諸症詳列於左俾學者觸目洞然也

一曰火中火之自外來者名曰賊實火也火之自內出者名曰
子虛火也中火之症良由將息失宜心火暴盛腎水虛衰不
能制之故猝然昏倒不可作實火論假如怒動肝火逍遙散
心火鬱結牛黃清心丸肺火壅遏貝母瓜蒌散思慮傷脾加
味歸脾湯腎水枯涸虛火上炎者六味地黃湯若腎經陽虛

水不歸原者。八味地黃湯。劉河間地黃飲子。並治之。此治火中之法也。或問火中而用桂附者何也。答曰。腎陽飛越。則丹田虛冷。其痰涎上壅者。水不歸原也。面赤煩躁者。火不歸原也。惟桂附八味。能引火歸原。火歸水中。則水能生木。木不生風。而風自息矣。

二曰虛中。凡人體質虛弱。過於作勞。損傷元氣。以致痰壅氣浮。猝然昏倒。宜用六君子湯。主之。中氣下陷者。補中益氣湯。主之。

三曰濕中。濕中者。卽痰中也。凡人嗜食甘肥。或醇酒乳酪。則濕從內受。或山嵐瘴氣。久雨陰晦。或遠行涉水。水坐臥濕地。則濕

從外受濕。生痰。痰生熱。熱生風。故猝然昏倒。無知也。蒼白二陳湯主之。

四曰寒中。凡人暴中於寒。卒然口鼻氣冷。手足厥逆。或腹痛下利。清穀。或身體強硬。口噤不語。四肢戰搖。此寒邪直中於裏也。宜用薑附湯。或附子理中湯。加桂主之。

五曰暑中。凡人務農於赤日。行旅於長途。暑氣逼迫。猝然昏倒。自汗面垢。昏不知人。急用千金消暑丸。灌之。其人立甦。此藥有回生之功。一切暑藥。皆不及此。利路中各宜預備。灌醒後。以益元散清之。或以四味香薷飲。去厚朴。加丹參。茯苓。黃連。治之。虛者加人參。餘詳論傷暑門。

六曰氣中者。情氣結。或怒動肝氣。以致氣逆痰壅。牙關緊急。極
與中風相似。但中風身熱。中氣身涼。中風脈浮。中氣脈沉。且
病有根由。必須細究。宜用米香調氣散。至之。

七曰食中。醉飽過度。或者腦怒。以致飲食填塞。胃中胃氣不行。
卒然昏倒。宜用橘紅三兩。生薑一兩。炒鹽三撮。煎湯灌之。吐
之。次用神木散。和之。其最甚者。胸高滿悶。閉而不通。或牙關
緊急。厥暈不醒。但心頭溫者。卽以獨行丸。攻之。藥既下。嘔其
人或吐或瀉。自應漸甦。若瀉不止者。以冷粥湯飲之。卽止。
八曰惡中。登塚入廟。冷屋棲遲。以致邪氣相侵。卒然錯謫妄言。
或頭面青黯。昏不知人。急用薑蔥湯灌之。次以神木散調之。

蘇合丸亦佳。

加味逍遙散 治肝經鬱火、胃腸脹痛、或作寒熱、甚至肝木生風、眩暈振搖、或咬牙發瘕、一目斜視、一手一足搐搦、此皆肝氣不和之症、經云木鬱達之是已。

柴胡

甘草

茯苓

白朮

當歸

白芍

丹皮

黑梔 各一錢
薄荷 五分

水煎服

牛黃清心丸

見真中

地黃飲子

附子理中湯

俱見真中

加味歸脾湯

黃芪

一錢五分

人參

白朮

茯神

當歸

棗仁

炒各一錢

遠志

去心泡

甘草

炙各七分

丹皮

黑山梔

各八分

元眼肉五枚冰煎服

六味地黃湯

滋水制火則無上盛下虛之患

大熟地

四錢

山萸肉

去核

山藥

各二錢

丹皮

茯苓

澤瀉

各一錢五分

水煎服。本方加肉桂熟附子各五分名八味地黃湯若為

丸十倍其藥煉蜜丸如梧桐子大

六君子湯

理脾祛痰

人參

茯苓

白朮

陳土炒

陳皮

去白

炙甘草

半夏

湯泡七次
各一錢

生薑五分、大棗二枚、水煎服、

補中益氣湯 中氣下陷、宜服此以升舉之、

黃芪

一錢五分

白朮

炒 勝土

人參

當歸

甘草

炙各一錢

柴胡

升麻 各三分

陳皮

五分

生薑一片、大棗二枚、水煎服、

蒼白二陳湯

見中風

卽二陳湯加蒼朮白朮各一錢

薑附湯

見諸方
補遺

四味香薷飲

見傷暑

木香調氣散

平肝氣和胃氣

白蔻仁

去殼

檀香

木香

各一兩

丁香

三錢

香附

五兩

藿香

四兩

炙甘草

砂仁

陳皮

各二兩

右為細末，每服二錢，入鹽少許，點服。

神木散

此藥能治時行不正之氣，發熱頭痛，傷食停飲，胃滿

腹痛，嘔吐瀉利，並能解穢驅邪，除山嵐瘴氣，鬼蘆尸注，中食

中惡諸症，其效至速，予嘗合此普送，藥到病除，罔不應驗。

蒼朮

陳土炒

陳皮

厚樸

薑汁炒各二斤

甘草

炙十兩

藿香

八兩

砂仁

四兩

共為末，每服二三錢，開水調下。

獨行丸

治中食至甚，胸高滿悶，吐法不效，須用此藥攻之，若

昏暈不醒，四肢僵硬，但心頭溫者，扶齒灌之。

大黃 酒炒

芭苳 去油

乾薑 各一錢

研細薑汁為丸，如黃連大，每服五七丸，用薑湯化下，若服後瀉不止者，用冷粥湯飲之，即止。

蘇合丸 治勞瘵骨蒸、怔忡心痛、霍亂吐利、時氣鬼魅、瘴癘疫

瀉、痰血月閉、瘰癧、丁腫、驚癇、中風、中氣、痰厥、昏迷等證。

白朮

青木香

犀角

香附 炒去毛

硃砂 水飛

訶梨勒 般取皮

檀香

安息香 酒熬

沉香

麝香

丁香

草撥 各二錢

龍腦

薰陸香 別研

蘇合香 各二兩

右為細末，研藥勻，用安息香膏，并蘇合香油煉蜜和劑，丸如

彈子大以蠟燭九緋絹當心帶之一切邪祟不敢近

傷暑

霍亂

霍亂沙

古稱靜而得之爲中暑動而得之爲中熱暑陰而熱陽也不思暑字以日爲首正言熱氣之襲人耳夏日烈烈爲太陽之亢氣人觸之則生暑病至於靜而得之者乃納涼於深堂水閣大扇風車嗜食瓜果致生寒疾或頭痛身痛發熱惡寒者外感於寒也或嘔吐腹痛四肢厥冷者直中於寒也與暑症有何干涉大抵辨暑症法以自汗口渴煩心渴赤身熱脈虛爲的然有傷暑中暑閉暑之不同傷暑者感之輕者也其症煩熱口渴益元散主之中暑者感之重者也其症汗大出昏悶不醒或煩心喘渴

妄言也。昏悶之際。以消暑丸灌之。立醒。既醒。則驗其暑氣之輕重。而清之。輕者。益元散。重者。白虎湯。閉暑者。內伏暑氣。而外爲風寒閉之也。其頭痛身痛發熱惡寒者。風寒也。口渴煩心者。暑也。四味香薷飲。加荆芥。蔡氏主之。又有暑天受濕。嘔吐瀉利。發爲霍亂。此停食伏飲所致。宜分寒熱治之。熱者。口必渴。黃連香薷飲主之。寒者。口不渴。藿香正氣散主之。更有乾霍亂症。欲吐不得吐。欲瀉不得瀉。攪腸大痛。變在須臾。古方以燒鹽和陰陽水引而吐之。或以陳皮同煎吐之。或用多年陳香薷煎湯更佳。俗名攪腸沙。烏沙服。皆此之類。此係穢氣閉塞。經隧氣滯。血凝脾土。壅滿不能轉輸。失大地運行之常。則脹閉而危矣。是以治

法宜速切戒飲粥湯食諸物人口卽熒慎之慎之

消暑丸

益元散

見類中

白虎湯

見陽明病

四味香薷飲 治風寒閉暑之症頭痛發熱煩心口渴或嘔吐泄瀉發爲霍亂或兩足轉筋○凡閉暑而不能發越者非香薷不可香薷乃消暑之要藥而方書稱爲散劑俗稱爲夏月之禁劑夏旣禁用則當用於何時乎此不經之說致令良藥受屈殊可扼腕故辨之

香薷

扁豆

厚樸

鹽汁炒各一錢五分

甘草

炙五

水煎服○若兼風寒本方加荆芥秦艽蔓荊子○若兼霍亂吐瀉煩心口渴本方加黃連○若兩足轉筋本方加水瓜蒌

芥木瓜治轉筋之神品。○若風暑相搏而發搐搦者本方加羌活鈎藤凡暑症不宜發汗今用風藥者因其暑中挾風也。○若暑濕相搏名曰濕溫談汗則名重暈多難治宜用蒼朮白虎湯時醫不論暑濕概行發散傷生匪淺。

藿香正氣散 治暑月貪涼飲冷發為霍亂腹痛吐瀉昏寒壯熱。

藿香

砂仁

厚樸

茯苓

紫蘇

陳皮

各一錢

白朮

土炒

半夏

桔梗

白芷

各七分

甘草

炙五分

生薑三片水煎服

清暑益氣湯

預服此藥以防暑風

黃芩 一錢五分

白朮 一錢

人參

當歸

陳皮

麥冬 去心

甘草 炙各五分

扁豆 一錢

茯苓 七分

升麻

柴胡

北五味 各三分

神麴 四分

黃蘗

澤瀉 各二分

水煎服

疫癘

疫論已見首卷。分來路兩條。去路三條。治法五條。詳具書矣。大
法。天行之氣。從經絡入。其症頭痛發熱。宜微散。香蘇散散之。病
氣傳染。從口鼻入。其症嘔惡胸滿。宜解穢。神木散和之。若兩路
之邪。歸併於裏。腹脹滿悶。譫語發狂。唇焦口渴者。治法清涼散

清之便閉不通者加大黃下之其清涼散內人中黃一味乃退
熱之要藥解穢之靈丹醫家缺而不備安能取效復有虛人患
瘦或病久變虛或妄治變虛者須用人參白朮當歸等藥加入
清涼藥內以扶助正氣如或病氣漸退正氣大虛更宜補益正
氣爲主夫發散解穢清中攻下四法外而以補法駕馭其間此
收效萬全之策也予嘗用麥冬生地各一兩加入參二三錢以
救津液又嘗用人參湯送下加味枳朮丸以治虛人鬱熱便閉
之症病氣退而元氣安遂恃爲囊中活法謹告同志各自存神
又有頭面腫大者曰大頭瘟者頸項腫痛名曰蝦蟆瘟者古方
普濟消毒飲並主之但頭腫之極須用鍼砭若醫者不究其理

患者畏而不行。多致潰裂腐爛而難救。若頸腫之極。須用搗紅
 淡鹽湯吐去其痰。再用前方倍甘桔主之。須宜早治。不可忽也。
 香蘇散 見太陽症
 神水散 見類中
 治疫清涼散

秦艽 赤芍 知母 貝母 連翹 各一錢

荷葉 七分 丹參 五錢 柴胡 錢半 人中黃 二錢

水煎服。○如傷食胸滿。加麥芽。山楂。佛手。陳皮。○脇下痞者。
 加鼈甲。枳殼。○昏憤譫語。加黃連。○熱甚大渴。能消水者。加
 石膏。天花粉。人參。○便閉不通。腹中脹痛者。加大黃下之。
 虛人自汗多。倍加人參。○津液枯少。更加麥冬。生地。○若時

行寒疫不可輕用涼藥宜斟酌投劑

普濟消毒飲

針砭法

並見頭痛

加味枳朮丸

見腹脹

製人中黃法

用竹筒兩頭留節刮去青皮開一孔將甘草裝

滿仍用木屑塞口鎔松香封固用繩紮定於臘月初一日投

廁缸中一月足取起用水濯洗然後劈開竹筒將甘草晒乾

收貯聽用

或問香蘇散神朮散芳香藥也人中黃有穢氣者也而皆以之

解疫毒消穢氣何也不知邪客上焦乃清虛之所故用芳香以

解之邪客中下二焦乃濁陰之所疫毒至此結而為穢則非芳

香所能解必須以穢攻穢而穢氣始除此人中黃之用所以切

當也。夫病有先後有部位有更變而用藥隨之方爲活法。醫家常須識此不只治疫一端而已。

虛勞

帝曰陰虛生內熱奈何。岐伯曰有所勞倦形氣衰少穀氣不盛上焦不行下脘不通胃氣熱熱氣薰胸中故內熱此言氣虛之候也。東垣宗其說發補中益氣之論卓立千古。朱丹溪從而廣之以爲陽常有餘陰常不足人之勞心好色內損腎元者多屬真陰虧損宜用六味湯加知母黃柏補其陰而火自降此又以血虛爲言也。後人論補氣者則宗東垣論補血者則宗丹溪曰水爲天一之元土爲萬物之母其說至爲有理然而陽虛易

補陰虛難療治虛損者當就其陰而未枯之時而早補之患虛損者當就其真陰未竭之時而重養之亦庶乎其可矣凡虛勞之症多見吐血痰湧發熱夢遺經閉以及肺痿肺癰咽痛音啞側臥轉尸鬼注諸疾今照葛仙翁十藥神書例增損方法臚列於左以備觀覽

◎弔字號方

止咳嗽為主予見虛損之成多由於吐血吐血之因多由於咳嗽咳嗽之原多起於風寒仲景云咳而喘息有音甚則吐血者用麻黃湯東垣師其意改用麻黃人參芍藥湯可見咳嗽吐紅之症多有因於外感者不可不察也予治外感咳嗽

用止嗽散加荊防蘇梗以散之。散後肺虛卽用五味異功散。補脾土以生肺金。虛中挾邪則用團魚丸解之。虛損漸成咳嗽不止。乃用紫菀散。月華丸清而補之。此治虛咳之要訣也。餘詳本門。

止嗽散 見後咳嗽門

五味異功散 卽四君子加陳皮

團魚丸 治久咳不止。恐成勞瘵。

貝母 去心 知母

前胡 柴胡

杏仁 去皮尖及雙仁者各四錢

大鰐魚 一箇重十二兩 以上者去腸

右藥與魚同煮熟。取肉連汁食之。將藥渣焙乾爲末。用魚骨

煮汁一盞和藥爲丸如桐子大每服二十九麥冬湯下日三服

海藏紫苑散 潤肺止嗽並治肺痿

人參 五分

紫苑

知母 蒸

貝母 去心

桔梗

茯苓

真阿膠 蛤粉炒成珠各一錢

五味子

甘草 炙各三分

水煎服

月華丸 滋陰降火消痰祛瘀止咳定喘保肺平肝消風熱殺尸蠱此陰虛發咳之聖藥也

天冬

去心 蒸

麥冬

去心 蒸

生地

酒洗

熟地

九蒸 晒

山蒸乳蒸

百部蒸

沙參蒸

川貝母蒸
去心

真阿膠
各一兩

茯苓乳蒸

獾膽

廣三七
各五錢

用白菊花二兩去蒂桑葉二兩經霜者熬膏將阿膠化入膏內和藥稍加煉蜜為丸如彈子大每服一九噙化日三服

◎乙字號方

止吐血為主。凡血症有陽乘陰者。有陰乘陽者。假如脈數內熱。口舌乾燥。或平素血虛火旺。加以醇酒炙燥之物。此乃熱氣騰沸。迫血妄行。名曰陽乘陰。法當清降。曰生九等主之。吐止後則用六味地黃丸補之。又如脈息沉遲。口舌清潤。平素體質虛寒。或兼受風冷之氣。此謂天寒地凍。水凝成冰。名曰

陰乘陽性當溫散理中湯主之凡治血症不論陰傷但以照
顧脾胃爲收功良策誠以脾胃者吉甯之關也書云自上損
下者一損損於脾二損損於肝三損損於脾過於脾則不可
治自下損上者一損損於腎二損損於心三損損於胃過於
胃則不可治所謂過於脾者吐瀉是也古人有言不問陰
陽與冷熱先將脾胃與安和丹溪云凡血症須用四君子之
類以收功其言深有至理然而補脾養胃不專在藥而在飲
食之得宜難經曰損其脾者調其飲食適其寒溫誠以飲食
之補遠勝於藥耳世之治損者亦可恍然悟矣

四生丸治陽盛陰虛熱迫血而妄行以致吐血衄血法

當清降

半地黃

生荷葉

生側柏葉

生艾葉

各等分

細切同搗極爛爲丸如雞子大每服一丸水煎去渣服吐衄者用此丸煎湯調下花蕊散一二錢尤佳

花蕊石散能化瘀血爲水而不動臟腑真神藥也

花蕊石 一斤

明硫黃 四兩

入瓦罐內封口鐵線繫紮鹽泥包裹曬乾硬炭隔定煉二炷香細研篩過每服二三錢童便熱酒調服

生地黃湯

生地 三錢

牛膝

丹皮

黑山梔

各一

丹參

玄參

麥冬

白芍

各一錢五分

鬱金

廣三七

荷葉

各七分

水煎加陳墨汁清童便各半杯和服

六味地黃丸

滋益先天、生腎水、制虛火、乃醫門要藥、尤紅症

之靈丹也

見類中

理中湯

見中寒門

治陰盛陽虛不能統血以致陰血走散法當溫補

四君子湯

人參

白朮

茯苓

炙甘草

各一錢

大棗二枚、生薑一片、水煎服

◎丙字號方

治大吐血成升斗者。先用花蕊散止之。隨用獨參湯補之。所謂血脫益氣。陽生陰長之理。貧者以歸湯代之。

人參 一兩去蘆

水煎服。聽其熟睡。切勿驚醒。則陰血復生矣。

歸脾湯

白朮

人參

當歸

棗仁

炒

白芍

各一

黃芪

一錢五分 遠志 七分 去心 炮

甘草

炙五分

圓眼肉

五枚

水煎服

◎丁字號方

治咳嗽吐紅。漸成骨蒸勞熱之症。如人胃弱氣虛。大便結。脈

清骨散

有力此陽盛生熱法當清涼清骨散主之若用虛脾弱大更
唐脈虛細此陰虛發熱法當養陰逍遙散四物湯主之若氣
血兩虛而發熱者八珍湯補之若元氣大虛變症百出難以
名狀不問其脈不論其病但用人參養營湯諸症自退經云
甘溫能除大熱如或誤用寒涼反伐生氣多致不救

柴胡

白芍

各一錢

秦艽

七分

甘草

五分

丹皮

地骨皮

青蒿

鼈甲

各一錢二分

知母

黃芩

胡黃連

各四分

水煎服加童便尤妙凡逍遙四物八珍方內皆可加入

道通散方見類治肝經血虛煩燥口渴胸脇刺痛頭眩心悸
 頰赤口苦發熱盜汗食少嗜臥又治女人經水不調臍腹脹
 痛寒熱如瘧並治室女經閉痰嗽潮熱肌瘦勞熱等症
 四物湯

大熟地 自製

當歸

白芍 各一錢五分

川芎 五分

水煎服。○加丹皮麥冬玉竹山藥茯苓退虛熱至效。
 八珍湯 治氣血虛發熱潮熱

人參

白朮

茯苓

甘草 炙

熟地

當歸

白芍 各一錢

川芎 五分

康二枚水煎服。○本方加黃芪肉桂名十全大補湯。○加丹

皮黑山梔柴胡名加味八珍湯

人參養榮湯

白芍 錢二

人參

黃芪 蜜炙

當歸

白朮 熟地 各一錢五分

甘草 炙

茯苓

遠志 去心 七分

桂心

陳皮 各四分

薑一片 棗二枚 水煎服

戊字號方

治肺痿肺癰久咳不止時吐白沫如米粥者名曰肺痿此火盛金傷肺熱而金化也保和湯主之咳嗽吐膿血咳引胸中痛此肺內生毒也名曰肺癰加味桔梗湯主之

保和湯 治肺痿

知母分 蒸五貝母 二錢 天冬 去心 麥冬 去心 苡仁 五錢

北五味粒 甘草 桔梗 馬兜鈴 百合

阿膠蛤粉炒成珠各八分 薄荷 二分

水煎入飴糖一匙溫服虛者加人參

加味桔梗湯 治肺瘡

桔梗 去蘆 白芨 橘紅 甜葶藶 蜜炒各八分

甘草節 貝母各一錢五分 苡仁 金銀花 各五錢

水煎服初起加荊芥防風各一錢潰後加人參黃芪各一錢

◎ 已字號方

治咽痛音瘞喉瘖夫勞症至此乃真陰枯涸虛陽上泛之危症多屬難起宜用六味丸滋腎水而以治標之法佐之可也

百藥煎散 治咽痛

百藥煎 五錢 礪砂 一錢 甘草 二錢

爲末每服一錢米飲調食後細細嚥之

通音煎 治音瘞

白蜜 一斤 川貝母 一兩去心爲末 欵冬花 二兩去梗爲末

胡桃肉 十二兩去衣研爛

右四味和勻飯上蒸熟不拘時開水點服

柳華散 治喉瘖並口舌生瘡咽喉腫痛諸症

真青黛

蒲黃

炒

黃柏

炒

人中白

各一兩

冰片

三分

硼砂

五錢

共為細末吹喉極效

◎庚字號方

治男子夢遺精滑其夢而遺者相火之強也不夢而遺者心腎之衰也宜分別之

秘精丸 有相火。必生濕熱。則水不清。不清則不固。故本方以理脾導濕為先。濕祛水清而精自止矣。治濁之法亦然。

白朮

山藥

茯苓

茯神

蓮子肉

去心蒸各一兩

芡實

四兩

蓮花鬚

牡蠣

各一兩

黃柏

五錢

車前子 三兩

共為末、金櫻膏為丸、如桐子大、每服七八十九、開水下。○氣虛者、加人參一兩、

十補丸 氣旺則能攝精、時下體虛者眾、服此累效、

黃芪

白朮 各二兩

茯苓

山藥 各一兩五錢

人參 一兩

大熟地 三兩

當歸

白芍 各一兩

山萸肉

杜仲

續斷 各二兩

素仁 二兩

遠志 一兩

北五味

龍骨

牡蠣 各七錢五分

金櫻膏為丸、每服四錢、開水下、

◎辛字號方

治女人經水不調。並治室女經閉。成損按女人經水不調。乃氣血不和。其病尤淺。室女經閉。則水源斷絕。其病至深。夫所謂天癸者。發生於子天一所生之本也。所謂月經者。經常也。反常則災病至矣。室女乃氣血完足之人。尤不宜閉。閉則髮髮焦。咳嗽發熱。諸病蜂起。勢難為也。

澤蘭湯

調經通血脈治經閉

澤蘭 二錢

栢子仁

當歸

白芍

熟地

牛膝

羌蔚子

各一錢五分

水煎服

益母勝金丹

熟地

當歸 各四兩

白芍

酒炒 三兩

川芎

一兩 五錢

牛膝 二兩

白朮

香附

酒醋姜汁 炒 水各炒一次

丹參

茺蔚子

各四兩

益母草一斤、酒水各半熬膏和鍊蜜爲丸、每早開水下三錢、晚用清酒下二錢。經水後期而來、小腹冷痛爲寒、加肉桂五錢。經水先期妄行、自覺血熱、加丹皮二兩、酒炒。條芩五錢、凡遇經水作痛、乃血凝氣滯、加延胡索一兩。

⑤壬字號方

治傳尸勞瘵、祛邪殺蟲、勞症之有蟲如樹之有蠹、去其蠹而後培其根、則樹木生長、勞症不去、蟲而徒恃補養、未見其受

益者古法具在不可廢也。

驅蟲丸

明雄黃 一兩

蕪荑

雷丸

鬼箭羽 各五錢

鱘肝 一具

丹參 一兩五錢

麝 二分五厘

煉蜜丸如桐子大每食後開水下十九日三服。紫金丹亦效。或用真蘇合香丸治之尤佳。

◎癸字號方

補五臟虛損。凡病邪之所湊。其氣必虛。況由虛致病者乎。則補為最要。難經云。損其肺者益其氣。損其心者和其榮。與衛損其脾者調其飲食。適其寒溫。損其肝者緩其中。損其腎者

益其精按法主之

補天大造丸 補五臟虛損

人參 二兩

黃芪 蜜炙

白朮 陳土蒸 各三兩

當歸 酒蒸

棗仁 炒去壳

遠志 去心甘草 水泡炒

白芍 酒炒

山藥 乳蒸

茯苓 乳蒸各一 兩五錢

枸杞子 酒蒸

大熟地 九蒸晒 各四兩

河車 二具甘 草水洗

鹿角 一斤 熬膏

龜板 八兩與鹿 角同熬膏

以龜鹿膠和藥加煉蜜爲丸每早開水下四錢○陰虛內熱甚者加丹皮二兩陽虛內寒者加肉桂五錢

咳嗽

咳嗽症虛勞門已言之而未詳及外感諸病因故再言之。肺體屬金。譬若鐘然。鐘非叩不鳴。風寒暑濕燥火六淫之邪自外擊之。則鳴。勞慾情志飲食炙燂之火自內攻之。則亦鳴。醫者不去其鳴。鐘之具而日磨銼其鐘。將鐘損聲嘶而鳴之者如故也。鐘其能保乎。吾願治咳者作如是觀。大法風寒初起頭痛鼻塞發熱惡寒而咳嗽者。用止嗽散。加荊芥防風蘇葉生薑以散邪。既散而咳不止。專用本方調和肺氣。或兼用人參胡桃湯以潤之。若汗多食少。此脾虛也。用五味異功散。加桔梗補脾土以生肺金。若中寒入裏而咳者。但溫其中而咳自止。若暑氣傷肺口渴煩心。弱赤者。其症最重。用止嗽散加黃連黃芩花粉以直折其

火若濕氣生痰。痰涎稠粘者。用止嗽散加半夏茯苓桑白皮生薑大棗以祛其濕。若燥氣焚金。乾咳無痰者。用止嗽散加瓜蒌貝母知母栝子仁以潤燥。此外感之治法也。然外感之邪初病在肺。肺咳不已。則移於五臟。臟咳不已。則移於六腑。須按內經十二經見症而加減。如法則治無不痊。經云。咳而喘息有音。甚則唾血者。屬肺臟。此卽風寒咳血也。止嗽散加荊芥紫蘇赤芍丹參。咳而兩脇痛不能轉側。屬肝臟。前方加柴胡枳殼赤芍。咳而喉中如梗狀。甚則咽腫喉癰。屬心臟。前方倍桔梗加麥子。咳而右脇痛。陰引肩背。甚則不可以動。動則咳極。屬脾臟。前方加葛根秦艽鬱金。咳而腰背痛。甚則咳涎者。屬腎臟。前方加附子。

咳而嘔苦水者。屬膽腑。前方加黃芩。半夏。生薑。咳而失氣者。屬
小腸腑。前方加芍藥。咳而嘔。嘔甚則長蟲出。屬胃腑。前方去甘
草。加烏梅。川椒。乾薑。有熱佐之以黃連。咳而遺尿。屬大腸腑。前
方加白朮。赤石脂。咳而遺溺。屬膀胱腑。前方加茯苓。半夏。久咳
不止。三焦受之。其症腹滿不食。令人多涕唾。面目浮腫。氣逆以
止嗽散。合五味異功散。並用投之。對症其效如神。又以內傷論
前症。若七情氣結。鬱火上衝者。用止嗽散。加香附。貝母。柴胡。黑
山梔。若腎經陰虛水衰。不能制火。內熱脈細數者。宜朝用地黃
丸。滋腎水。午用止嗽散。去荆芥。加知母。貝母。以開火鬱。仍佐以
萎蕤。胡桃湯。若客邪混合。肺經變生虛熱者。更佐以團魚丸。若

病勢深沉。變爲虛損。或尸蟲入肺。喉痒而咳者。更佐以月華丸。若內傷飲食口乾。痞悶五更咳甚者。乃食積之火。至此時流入肺經。用止嗽散加連翹山查麥芽。薔子若脾氣虛弱。飲食不思。此氣弱也。用五味異功散加桔梗。此內傷之治法也。凡治咳嗽。貴在初起得法。爲善。經云微寒微咳。咳嗽之因。屬風寒者。十居其九。故初治必須發散。而又不可以過散。不散則邪不去。過散則肺氣必虛。皆令纏綿難愈。薛立齋云。肺有火則風邪易入。治宜解表兼清肺火。肺氣虛則腠理不固。治宜解表兼補肺氣。又云。肺屬辛金。生於巳土。久咳不已。必須補脾土以生肺金。此誠格致之言也。然清火之藥不宜久服。無論脈之洪大滑數數劑。

後即宜捨去。但用六味丸頻頻服之。而兼以白蜜胡桃潤之。其咳自住。若脾肺氣虛。則用五味異功散。六君子等藥補土生肺。反掌收功。為至捷也。治咳者宜細加詳審。患咳者宜戒口慎風。毋令久咳不除。變為肺痿。肺癰。虛損勞瘵之候。慎之慎之。止嗽散治諸般咳嗽。

桔梗炒

荆芥

紫苑蒸

百部蒸

白前蒸各二斤

甘草炒十兩

陳皮水洗去白一斤

共為末。每服三錢。開水調下。食後臨臥服。初感風寒。生薑湯調下。予製此藥。普送。以前七味服者多效。或問藥極輕微。而取效甚廣。何也。予曰。藥不貴險峻。惟期中病而已。此方係

暴吐血以祛瘀爲主而兼之降火久吐血以養陰爲主而兼之
理脾古方四生九十灰散花蕊石散祛瘀降火之法也古方六
味湯四物湯四君子湯養陰補脾之法也然血証有外感內傷
之不同假如咳而喘息有音甚則吐血者此風寒也加味香蘇
散散之務晨赤日行旅長途口渴自汗而吐血者此傷暑也益
元散清之夏令火炎更乘秋燥發爲乾咳脈數大而吐血者此
燥火焚金也三黃解毒湯降之此外感之治法也又如陰虛吐
血者初用四生九十灰散以化之兼用生地黃湯以清之吐止
則用地黃丸補之陽虛大吐血成升斗者初用花蕊石散以化
之隨用獨參湯以補之繼則用四君子珍等以調之厥寒吐血

如天寒地凍水凝成冰也。用四神湯以溫之。其或吐精氣結滯動肝火者。則用加味逍遙散以疏達之。傷力吐血者。則用澤蘭湯行之。此內傷之治法也。夫血以下行為順。上行為逆。暴吐之時。氣血未衰。飲食如常。大便結實。法當導之下行。病勢既久。氣血衰微。飲食漸減。大便不實。法當養陰血。兼補脾氣。大凡吐血。路血須用四君子之類。以收功。蓋陰血生於陽氣。脾土旺則能生血耳。治者念之。

四生丸 見虛症

十灰散 祛瘀生新止血之良劑

大蓟

小蓟

茅根

茜根

老絲瓜

山梔

蒲黃

荷葉

大黃

亂髮

煑灰存性每服二三錢藕湯調下

花蕊石散

六味湯

四物湯

四君子湯

並見虛症

加味香蘇散

即香蘇散加山梔丹皮并參方見傷寒太陽症

益元散

見類中

三黃解毒湯

見傷寒

生地黃湯

見症

獨參湯

八珍湯

見虛症

理中湯

見中寒

加味逍遙散

見類中

澤蘭湯

見後腰痛

頭痛

頭為諸陽之會。清陽不升則邪氣乘之。致令頭痛。然有內傷外感之異。外感風寒者宜散之。熱邪傳入胃腑熱氣上攻者宜清之。直中症寒氣上逼者宜溫之。治法詳見傷寒門。茲不贅然除。

正風寒外復有偏頭風雷頭風客寒犯腦胃火上衝痰厥頭痛
大頭天行破腦傷風眉稜骨痛眼眶痛等症更有真頭痛朝不
保暮勢更危急皆宜細辨偏頭風者半邊頭痛有風熱有血虛
風熱者筋脈抽搐或鼻塞常流濁涕清空膏主之血虛者蜚輕
夜重痛連眼角逍遙散主之雷頭風者頭痛而起核塊或頭中
雷鳴多屬痰火清震湯主之客寒犯腦者腦痛連齒手足厥冷
口鼻氣冷羌活附子湯主之胃火上衝者脈洪大口渴飲冷頭
筋扛起者加味升麻湯主之痰厥頭痛者胸膈多痰動則眩暈
半夏白朮天麻湯主之腎厥頭痛者頭重足浮腰膝痠軟經所
謂下虛上實是也腎氣衰則下虛浮火上泛故上實也然腎經

有真水虛者。脈必數而無力。有真火虛者。脈必大而無力。水虛六味丸。火虛八味丸。大頭天行者。頭腫大。甚如斗。時疫之症也。輕者。名發頤腫。在耳前後。皆火燄也。普濟消毒飲主之。更加針砭以佐之。破腦傷風者。風從破處而入。其症多發搐搦。防風散主之。眉稜骨痛。或眼眶痛。俱屬肝經。見光則痛者。屬血虛。逍遙散。痛不可開者。屬風熱。清空膏。真頭痛者。多屬陽衰。頭統諸陽。而腦爲髓海。不任受邪。若陽氣大虛。腦受邪侵。則發爲真頭痛。手足青至節。勢難爲矣。速用補中益氣湯。加蔓荊子。川芎。附子。並進八味丸。間有得生者。不可忽也。

清空膏

羌活

防風

各六分

柴胡

五分

黃芩

半生半炒
一錢二分

川芎

四分

甘草

炙一錢

薄荷

三分

黃連

酒炒
六分

水煎服

逍遙散

見虛勞

加味清震湯

升麻

一錢

蒼朮

一錢

青荷葉

一箇
全用

甘草

炙

陳皮

各八分

蔓荊子

荊芥

各一錢
五分

薄荷

五分

水煎服

羌活附子散

羌活

一錢

附子

乾姜

各五分

炙甘草

八分

水煎服

加味升麻湯

升麻

葛根

赤芍

甘草 各一錢

石膏

二錢

薄荷

三分

燈心二十節水煎服

半夏白朮天麻湯

半夏

一錢五分

白朮

天麻

陳皮

茯苓

各錢

甘草

炙五分

生薑

三片

大棗

三箇

蔓荊子

一錢

虛者加人參

水煎服

六味丸 八味丸 見類中

普濟消毒飲 治大頭症、腫甚者宜砭之、

甘草 桔梗 黃荃 酒炒 黃連 酒炒各一錢

馬勃 玄參 橘紅 柴胡 各五分

薄荷 六分 升麻 二分 連翹 牛蒡子 炒八分

水煎服。○體虛加人參五分、便閉加大黃酒煨一錢。○愚按此症、須用貝母入中黃荷葉為妙。○發頤症、倍柴胡加丹皮、除腫痛、倍桔梗甘草

砭法、以生細磁鋒、用竹片夾定、緊緊放鋒出半分、對患處、另以箸敲之、偏刺腫處、俾紫血多出為善、刺畢、以精肉貼片時、再

用雞子清調乳香末潤之。此地不宜成膿，頭內中空耳前後
更多曲折，提膿拔毒，恆多不便，故針砭斷不可少。

針法以小布針兩枚，手法扣定，露鋒纖少，偏刺腫處，血出立鬆。
更數前藥自然消散。用針砭時，須正心誠意，咬定牙齒，下手
刺之。

防風散 治破腦傷風

防風

生南星 炮等分

右爲末，每服二錢，童便沖酒調服。

補中益氣湯 見類中

心痛

當胸之下岐骨陷處屬心之部位。其發痛者則曰心痛。然心不受邪。受邪則爲真心痛。旦暮不保矣。凡有痛者。胞絡受病也。胞絡者。心主之宮城也。寇凌宮禁。勢也可危。而沉犯主乎。故治之宜亟亟也。心痛有九種。一曰氣。二曰血。三曰熱。四曰寒。五曰飲。六曰食。七曰白。虛八曰蟲。九曰疰。宜分而治之。

氣痛者。氣壅攻刺而痛。游走不定也。沉香降氣散主之。血痛者。痛有定處。而不移。轉側若刀錐之刺。手拈散主之。熱痛者。舌燥。脣焦。溺赤。便閉。喜冷畏熱。其痛或作或止。脈洪大有力。清中湯主之。寒痛者。其痛暴發。手足厥冷。口鼻氣冷。喜熱畏寒。其痛綿綿不休。脈沉細無力。清附湯加肉桂主之。飲痛者。水飲停積也。

乾嘔吐涎或咳或噎甚則搖之作水聲脈弦滑小半夏加茯苓
湯主之食痛者傷於飲食心胸脹悶手不可按或吞酸噯腐脈
緊滑保和湯主之虛痛者心悸怔忡以手按之則痛止歸脾湯
主之蟲痛者面白脣紅或脣之上下有白斑點或口吐白沫飢
時更甚化蟲九主之疰痛者觸冒邪祟卒爾心痛面目青黯或
昏憤譫語脈來乍大乍小或兩手如出兩人神木散葱白酒生
薑湯並主之此治心痛之大法也

或問久痛無寒暴痛無火然乎否乎答曰此說亦宜斟酌如人
素有積熱或受暑濕之熱或熱食所傷而發則暴痛亦屬火矣
豈宜熱藥療之如人本體虛寒經年累月憑發無休是久痛亦

屬寒。矣。宜。寒。藥。療。之。且。凡。病。如。受。熱。中。未。傳。寒。中。者。比。比。皆。是。必。須。臨。症。審。確。逐。一。明。辨。斯。無。誤。也。又。或。謂。諸。痛。為。實。痛。無。補。法。亦。非。也。如。人。果。屬。實。痛。則。不。可。補。若。屬。虛。痛。必。須。補。之。虛。而。且。寒。則。宜。溫。補。並。行。若。寒。而。不。虛。則。專。以。溫。劑。主。之。丹。溪。云。溫。即。是。補。若。虛。而。兼。火。則。補。劑。中。須。加。涼。藥。此。治。痛。之。良。法。治。者。宜。詳。審。焉。

沉香降氣散 治氣滯心痛

沉香 三錢

細銼

砂仁

七錢

甘草

炙五錢

香附

五兩

虛水炒

玄胡索

一兩

酒炒川棟子

煨去肉

淨一兩

共為末每服二錢淡薑湯下

手拈散 治血積心痛

延胡索 醋炒 香附 酒炒 五靈脂 去土 醋炒 沒藥 各等分

共為細末、每服三錢、熱酒調下、血老者、用紅花五分、桃仁十粒、煎酒調下、

清中湯 治熱厥心痛

香附 陳皮 各一錢 五分 黑山梔 金鈴子 即川

延胡索 各八分 甘草 五分 川黃連 姜汁炒 一錢

水煎服

薑附湯 見諸方補遺 治寒厥心痛、又真心痛、手足青至節、宜

用本方、大劑飲之、或救十中之一二、若痛時喜手緊按、更加

人參

小半夏加茯苓湯 見傷寒咳嗽

保和湯 治傷食心痛

麥芽

山楂

荀子

厚樸

香附 各一錢

甘草

連翹 各五分

陳皮 一錢五分

水煎服

歸脾湯 治氣血虛弱以致心痛

黃芪 一錢五分

白朮

人參

茯神

棗仁

當歸 各二錢

遠志 七分

木香

甘草 各五分

圓眼肉 五枚

水煎服。若挾肝火，加柴胡、山梔、丹皮各一錢。

化蟲丸 治蟲噉心痛

蕪荑 去硬 白雷丸 各五錢 檳榔 二錢 雄黃 一錢

木香 白朮 陳皮 各三錢 神曲 四錢

以百部二兩熬膏糊丸，如桐子大，每服一錢五分，茶飲下，如

取下蟲積，加大黃五錢，酒炒。

神木散 見中食

胸痛

胸者肺之分野，然少陽胆經受病，亦令胸痛。此邪氣初傳入裏，而未深入於裏，故胸痛也。古方用柴胡湯加枳殼治之。如未應。

本方對小陷胸湯。一服其效如神。又風寒在肺。胸滿痛氣喘。用甘桔湯。加理氣散風之劑。又飲食填塞者。宜用吐法。其脈離肺。痿二症。詳見虛勞。茲不贅。

柴胡湯

見傷寒少陽症

甘桔湯

見傷寒咽痛

脇痛

傷寒脇痛。屬少陽經受邪。用小柴胡湯。雜症脇痛。左為肝氣不和。用柴胡疎肝散。七情鬱結。用逍遙散。若兼肝火。或飲食積滯。血隨症加藥。右為肝移邪於肺。用推氣散。凡治實症。脇痛左用枳殼。右用鬱金。皆為的劑。然亦有虛寒作痛。得溫則散。按之則止。又宜溫補。不可扣執也。

小柴胡湯

見傷寒

柴胡疎肝散

治左脇痛

柴胡

陳皮 各一錢二分

川芎

赤芍

枳殼

麩炒

香附

醋炒各一錢

甘草

炙五分

水煎服。唇焦口渴。乍痛乍止者。火也。加山梔黃芩。肝經一條扛起者。食積也。加青皮麥芽山查。痛有定處而不移。日輕夜重者。瘀血也。加歸尾紅花桃仁牡丹皮。乾嘔咳而脇下痛者。停飲也。加半夏茯苓。喜熱畏寒。欲得熱手按者。寒氣也。加肉桂吳茱萸。

逍遙散

見虛勞

推氣散 治右脇痛

枳殼 一錢

鬱金 一錢

桂心

甘草 炙各五分

桔梗

陳皮 各八分

生薑 二片

大棗 二枚

水煎服

瓜蒌散 治肝氣燥急而脇痛或發水泡

大瓜蒌 一枚連皮搗爛

粉甘草 二錢

紅花 七分

水煎服。按鬱火日久。肝氣燥急。不得發越。故反背起。泡轉而為脹痛。經云。損其肝者。緩其中。瓜蒌為物。甘緩而潤。于鬱不逆。又如油之洗物。滑而不滯。此其所以奏功也。

胃脘痛

胃脘痛。治法與心痛相倣。但停食一症。其脹痛連胸者。吐之。脹痛連腹者。下之。其食積之輕者。則用神木散消之。又有胃脘癰症。嘔而吐膿血者。不得妄治。書云。嘔家有膿。不須治。嘔盡膿自愈。

神木散 方見食中

腹痛

腹中痛。其寒熱食積氣血蟲蟲。辨法亦與心痛相倣。惟肝木乘脾。攪腸沙腹內癰。茲三症有不同耳。經云。諸痛皆屬於肝。肝木乘脾。則腹痛。仲景以芍藥甘草湯主之。甘草味甘者。已也。芍藥味酸。酸者甲也。甲已化土。則肝木平而腹痛止矣。傷寒症。

中有由少陽傳入太陰而腹痛者。柴胡湯加芍藥。有因誤下傳入太陰而腹痛者。桂枝湯加芍藥。卽同此意。尋常腹痛全在寒熱食積。分別詳明爲主。凡腹痛乍作乍止。脈洪有力。熱也。以芍藥甘草湯加黃連清之。若噤腐吞酸。飽悶膨脹。腹中有一條扛起者。是食積也。保和丸消之。消之而痛不止。便閉不行。腹痛拒按者。三黃枳朮丸下之。設或下後仍痛。以手按其腹。若更痛者。積未盡也。乃用平藥再消之。若按之痛止者。積已去而中氣虛也。五味異功散補之。若消導攻下之後。漸變寒中。遂至惡冷喜熱。須易溫中之劑。此火痛兼食之治法也。若腹痛綿綿不減。脈遲無力者。寒也。香砂理中湯溫之。若兼飽悶脹痛。是有食積不

便驟補。香砂二陳湯。加薑桂。查芽。厚朴。溫而消之。消之而痛不止。大便反閉。名曰陰結。以木香丸熱藥下之。下後仍以溫劑和之。此寒痛兼食之治法也。若因濁氣壅塞。走注疼痛。木香調氣散散之。若因瘀血積聚。呆痛不移。澤蘭湯行之。蟲嚙而痛。屑有斑點。饑時更甚。化蟲丸消之。傷暑霍亂。四味香薷飲解之。更有乾霍亂症。欲吐不得吐。欲瀉不得瀉。變在須臾。俗名攪腸沙是也。更有偏體紫黑者。名曰烏沙脹。急用燒鹽和陰陽水吐之。或用四陳湯服之。外用武侯平安散。點左右大眼角。其人卽甦。其腹內癰一症。常臍腫痛。轉側作水聲。小便如淋。千金牡丹皮散化之。古方治腹痛症。多以寒者爲虛。熱者爲實。未盡然也。蓋寒

症亦有實痛者。熱症亦有虛痛者。如寒痛兼食則為實矣。挾熱久痢則為虛矣。凡看症之法。寒熱虛實互相辨明。斯無誤也。
芍藥甘草湯 止腹痛如神

白芍藥

酒炒 三錢

甘草

炙 一錢 五分

水煎服。脈遲為寒。加乾薑。脈洪為熱。加黃連。脈緩為濕。加

蒼朮。牛黃。脈澀傷血。加當歸。脈弦傷氣。加芍藥。

保和丸

見心痛

消食積。清濕熱。腹中有一條扛起者。食積也。舌

乾口燥。是濕熱也。本方主之。有熱加黃連。

三黃枳朮丸

消熱食。除積滯。腹痛拒按。便閉溺赤。名曰陽結。

宜用本方。若冷食所傷。宜用木香丸。若冷熱互傷。須酌其所

食冷熱之多寡而並用之。此東垣法也。

黃芩 一兩

黃連 五錢

大黃 七錢五分

神曲

白朮

枳實

陳皮 各五錢

荷葉一枚、煎水、煮為丸、量虛實用。

香砂理中湯

見中寒

治客寒犯胃、其症手足厥冷、口鼻氣冷、其

痛綿綿不止、喜熱畏寒、脈沉細、不比熱痛乍止乍作、喜冷畏

熱、唇焦舌燥、口渴脈洪也、寒熱之別相隔千里。

香砂二陳湯

見類中即二陳湯加木香砂仁

木香丸 治寒積冷食腹痛拒按或大便閉結謂之冷閉、名曰

陰結、本方攻之。

木香

丁香

各一錢五分

乾薑

三錢

麥芽

錢炒五

陳皮

三錢

巴豆

三十粒去殼炒黑

神麴煮糊爲丸、每服十丸、或二十九、開水下、痛甚者倍之、所食之物、應隨利出、如利不止、以冷粥飲之、卽止、

木香調氣散

見類中

澤蘭湯

見吐血

化蟲丸

見心痛

四味香薷飲

見傷暑

諸葛武溪平安散

硃砂

二錢

射香

冰片

各五厘

明雄黃

硼砂

各五分

白硝

一分

共研極細末、用小磁罐收貯、每用清水、以骨簪點二三厘、在

大眼角內如點眼藥法點後忌熱茶飲食半日即愈

四陳湯

陳皮 去白

陳香圓 去穢 陳枳殼 去穢 陳茶葉

等分爲末每服三錢開水點服

千金牡丹皮散 治腹內癰

牡丹皮 三錢

苡仁 五錢

桃仁 十粒

瓜蒌仁 去殼去油 淨二錢

水煎服

小腹痛

書云大腹屬太陰。當臍屬少陰。小腹屬厥陰。傷寒傳至厥陰。少

腹痛甚此熱邪也宜下之。若熱結在裏蓄血下焦亦宜下之。若直中厥陰小腹冷痛則爲寒邪宜溫之。治法已詳本門尋常少腹痛多屬疝瘕奔豚之類。書云男子外結七疝女子帶下瘕聚。古人更有瘕癖癥瘕之名皆一類也。瘕如弓弦筋扛起也。癖者隱僻沉附着骨也。癥則有塊可徵猶積也多屬於血瘕者假也。忽聚而忽散氣爲之也。奔豚者如江豚之上竄冷氣上衝也。其瘕瘕之氣聚於小腸則曰小腸氣聚於膀胱則曰膀胱氣也。小腸氣失氣則快勝膀胱氣少腹熱若沃以湯瀦於小便也。凡治少腹痛當用墜降之藥其行氣皆當用核乃能宣達病所以取效也。橘核丸奔豚丸並主之。

橘核丸 通治癥瘕痞癖小腸膀胱等氣

橘核 二兩 鹽酒炒 川棟子 兩 煨去 山查子 炒

香附 一兩 姜汁浸炒各 荔枝核 兩 煨 小茴香 一兩 微炒各

神曲四兩煮糊為丸如桐子大每服三錢淡鹽水下○寒甚

加附子五錢肉桂三錢當歸一兩○有熱加黑山梔七錢又

疝氣症表寒束其內熱丹溪以黑山梔吳茱萸並用按此二

味若寒熱不調者加入丸中更佳若胞痹小便不利去小茴

加茯苓車前子黑山梔丹參

奔豚丸 見積聚

身痛

身體痛內傷外感均有之。如身痛而拘急者。外感風寒也。身痛如中杖者。中寒也。身痛而重墜者。濕也。若勞力辛苦之人。一身酸軟無力而痛者。虛也。治法風則散之。香蘇散。寒則溫之。理中湯。濕則燥之。蒼白二陳湯。虛則補之。補中益氣湯。大抵身痛多屬於寒。蓋熱主流通。寒主閉塞也。無論風濕與虛。挾寒者多。挾熱者少。治者審之。

香蘇散

見太陽症

理中湯

見中寒

蒼朮二陳湯

即二陳湯加蒼朮白朮見類中

補中益氣湯

見類中

肩背臂膊痛

肩臂痛。古方主以茯苓丸。謂痰飲爲患也。而亦有不盡然者。凡背痛多屬於風。胸痛多屬於氣。氣滯則痰凝。藏府之病也。背爲諸脈之所伏。凡風邪襲人。必從脈入。經絡之病也。間有胸痛連背者。氣閉其經也。亦有背痛連於胸者。風鼓其氣也。治胸痛者。理痰氣。治背痛者。祛風邪。此一定之理也。理痰氣。宜用木香調氣散。並前丸祛風邪。宜用秦芫天麻湯。挾寒者加附桂。挾虛者以補中益氣加秦芫天麻主之。如或風邪痰氣互相鼓煽。痰飲隨風走入經絡。而肩臂腫痛。則煎丸二方。須酌量合用。治無不效矣。

茯苓丸

茯苓

半夏

各二兩
姜汁炒

風化硝

枳殼

麩炒各
五錢

薑汁糊丸，如桐子大，每服二三十丸，淡姜湯下。

木香調氣散

見類中

秦艽天麻湯

秦艽

一錢五分

天麻

羌活

陳皮

當歸

川芎

炙甘草

五分

生薑

三片

桑枝

三錢
酒炒

水煎服。○挾寒，加附子桂枝。

補中益氣湯

見類中

腰痛

腰痛有風有寒有濕有熱有瘀血有氣滯有痰飲皆標也腎虛其本也。腰痛拘急牽引腿足脈浮弦者風也。腰冷如冰喜得熱手熨脈沉遲或緊者寒也。並用獨活湯主之。腰痛如坐水中身體沉重腰間如帶重物脈濡細者濕也。蒼白二陳湯加獨活主之。若腰重疼痛腰間發熱痿軟無力脈弦數者濕熱也。恐成痿症前方加黃柏主之。若因閃挫跌撲瘀積於內轉側若刀錐之刺大便黑色脈澹或芤者瘀血也。澤蘭湯主之。走注刺痛忽聚忽散脈弦急者氣滯也。橘核丸主之。腰間腫按之濡軟不痛脈滑者痰也。二陳湯加白朮草薢白芥子竹瀝薑汁主之。腰痛似脫重按稍止脈細弱無力者虛也。六君子湯加杜仲續斷主之。

若兼陰冷更佐以八味丸。大抵腰痛悉屬腎虛。既挾邪氣。必須祛邪。如無外邪。則惟補腎而已。然腎虛之中。又須分辨寒熱二症。如脈虛軟無力。溺清便澹。腰間冷痛。此為陽虛。須補命門之火。則用八味丸。若脈細數無力。便結溺赤。虛火時炎。此腎氣熱。髓減骨枯。恐成骨痿。斯為陰虛。須補先天之水。則用六味丸。合補陰丸之類。不可誤用熱藥以灼其陰。治者審之。

獨活湯 治腎虛兼受風寒濕氣

獨活

桑寄生

防風

秦艽

威靈仙

牛膝

茯苓

桂心

各一錢

五分

細辛

甘草

炙各三分

當歸

狗脊

各二錢

生薑二片水煎服。○丹溪云久腰痛必用官桂開之。万止寒甚者更加附子。但有濕熱則二者皆不宜用。

蒼白二陳湯 見類中

澤蘭湯 治閃挫跌撲瘀血內寄轉側若刀錐之刺。

澤蘭 三錢

丹皮

牛膝 各二錢

桃仁 十粒去皮尖研

紅花 五分

當歸 尾五錢

廣三七 一錢

赤芍 一錢五分

水煎熱酒沖服。如二便不通加酒蒸大黃三錢。凡跌撲

傷重便溺不通者非大黃不救。若大便已通則用廣三七煎

酒或山羊血沖酒青木香煎酒隨用一味皆可立止疼痛。

橘核丸 見小腹痛

茯苓丸 見肩臂痛

六君子湯

見類中

六味丸

八味丸

見虛勞

補陰丸

治腎氣熱、腰軟無力、恐成骨痿。

熟地 三兩

丹皮

天冬

當歸

枸杞子

牛膝

山藥

女貞子

茯苓

龜板

杜仲

續斷

各一兩

人參

黃柏

各五錢

石斛四兩、熬膏和鍊蜜為丸，每早淡鹽水下三錢。

痺

鶴膝風

痺者痛也。風寒濕三氣雜至，合而為痺也。其風氣勝者為行痺，濕氣勝者為著痺，遊走不定也。寒氣勝者為痛痺，筋骨攣痛也。濕氣勝者為著痺。

浮腫重墜也。然既曰勝則受病有偏重矣。治行痺者散風爲主。而以除寒祛濕佐之。大抵參以補血之劑。所謂治風先治血。血行風自滅也。治痛痺者散寒爲主。而以祛風燥濕佐之。大抵參以補火之劑。所謂熱則流通。寒則凝塞。通則不痛。痛則不通也。治着痺者燥濕爲主。而以祛風散寒佐之。大抵參以補脾之劑。蓋土旺則能勝濕。而氣足自無頑麻也。通用蠲痺湯加減主之。痛甚者佐以松枝酒。復有患痺日久。腿足枯細。膝頭腫大。名曰鶴膝風。此三陰本虧。寒邪襲於經絡。遂成斯症。宜服虎骨膠丸。外貼普救萬全膏。則漸次可愈。失此不治。則成痼疾。而爲廢人矣。

蠲痺湯 通治風寒濕三氣合而成痺

羌活 行上力大

獨活 行下力專 桂心 五分

秦艽 一錢

當歸 三錢

川芎 七分治風 甘草 炙五分

海風藤 二錢

桑枝 三錢

乳香 透明者

木香 各八分止痛須理氣也

水煎服。風氣勝者更加秦艽防風。寒氣勝者加附子。

濕氣勝者加防己草薢苡仁。痛在上者去獨活加荆芥。

痛在下者加牛膝。間有濕熱者其人舌乾喜冷口渴溺赤

腫處熱辣此寒久變熱也去肉桂加黃柏三分

松枝酒 治白虎歷節風走注疼痛或加蟲行諸般風氣

松節

桑枝

桑寄生

釣藤

續斷

天麻

金毛狗脊

虎骨

秦艽

清木香

海風藤

菊花

五加皮

各一兩

當歸

三兩

每藥一兩、用生酒二斤煮、退火七日飲。痛筋在下、加牛膝、

虎骨膏丸

治鶴膝風、並治癱瘓諸症、

虎骨

二斤剉碎、洗淨、用嫩桑枝金毛狗脊去毛、白菊花去

和藥爲丸、如不足量、加煉蜜

大熟地

四兩

當歸

三兩

牛膝

山藥

茯苓

杜仲

枸杞

續斷

桑寄生

各二兩

熟附子

七錢

厚肉桂

去皮不見火五錢

丹皮

澤瀉

各八錢

人參

二兩黃者以黃芪四兩代之

右爲末以虎骨膠爲丸每早開水下三錢

普救萬全膏 治一切風氣走注疼痛以及白虎歷節風鶴膝風寒濕流注癰疽發背疔瘡癰癰跌打損傷腹中食積痞塊多年瘡母頑痰瘀血停蓄腹痛泄利小兒疳積女人癰痕諸症並貼患處咳嗽瘧疾貼背心第七椎予製此膏曾送其取效神速倘貼後起泡出水此病氣本深盡爲藥力拔出吉兆也。不必疑懼記之記之。

藿香

白芷

歸尾

貝母

大楓子

木香

白蘇

烏藥

生地

蘿蔔子

川鳥	川芎	杏仁	桃仁	獨活	玄參	羌活	苦參	檀香	丁香
牙皂	黃芩	蒼朮	紅花	蘇木	南星	桂枝	肉桂	秦艽	白芨
半夏	麻黃	艾絨	牛膝	枳殼	鼈甲	全蝎	蟬退	蜂房	殭蠶
草烏	甘草	藁本	續斷	連翹	荊芥	赤芍	丁皮	防風	細辛
紫荊皮	黑山梔	骨碎補	花百頭	威靈仙	兩頭尖	高良薑	白鮮皮	五加皮	蓖麻子

青風藤以上各一兩五錢 大黃三兩 蜈蚣三十條 蛇脫五條

槐枝 桃枝 柳枝 桑枝 練枝

榆枝 楮枝以上各三寸

男人血餘三兩以上 真蘇油十五斤用二

松香一百斤 皮濾淨 百草霜十斤 研篩過

冬浸九宿、春秋七宿、夏五宿、分數次入鍋、文武火熬、以藥枯油黑、滴水成珠為度、濾去渣、重稱、每藥油十二兩、下濾淨片子松香四觔、同熬至滴水不散、每鍋下百草霜細末六兩、勿住手攪、俟火候成、則傾入水缸中、以棒攪和成塊、用兩人扯拔數次、磁鉢收貯、治一切風寒濕氣、癰疽等症、其效如神、

又法治瘡癰用血丹收更妙每油一斤用丹六兩

痿

痿大症也。請痿生於肺熱。經云五臟因肺熱葉焦發爲痿。臂肺氣熱則皮毛先痿而爲肺鳴。心氣熱則脈痿。經縱不任地。肝氣熱則筋痿。口苦而經攣。脾氣熱則肉痿。肌膚不仁。腎氣熱則骨痿。腰脊不舉。丹溪治法。渴南方補北方。渴南方則肺金不受刑。補北方則心火自降。俾西方清肅之令下行。庶肺氣轉清。故筋脈骨肉之間濕熱漸消而痿可愈也。然經云治痿獨取陽明何也。蓋陽明爲藏府之海。主潤宗筋。宗筋主束骨而利機關也。陽明虛則宗筋縱帶脈不引。故足痿不用也。由前論之則曰五臟

有熱由後論之則曰陽明之虛。二說似異而實同。蓋陽明胃屬濕土。土虛而感濕熱之化。則母病傳子。肺金受傷而痿症作矣。是以治痿獨取陽明也。取陽明者。所以祛其濕。瀉其熱。而巳矣。以清其熱。治痿之法。不外補中祛濕。養陰清熱而已矣。

五痿湯 治五臟痿

人參

白朮

茯苓

各一錢

甘草

分四

當歸

一錢五分

苡仁

三錢

麥冬

二錢

黃柏

炒 一錢

知母

各五分

水煎服。心氣熱加黃連三分。丹參生地各一錢。肝氣熱加黃芩丹皮牛膝各一錢。脾氣熱加連翹一錢。生地一錢。

五分。腎氣熱加生地牛膝白解各一錢五分。加氣熱加天冬百合各二錢。挾痰加川貝竹瀝。濕痰加半夏麴。瘀血加桃仁紅花。如氣血兩虛另用十全大補湯。腎肝虛熱髓減骨枯兼用虎潛丸主之。

十全大補湯 見虛勞

虎潛丸

龜板 四兩

杜仲

熟地 各三兩

黃柏 炒褐色

知母 各五錢

牛膝

白芍藥

虎骨 酒炙

當歸 各二兩

陳皮 四錢

乾薑 二錢

為末酒糊丸每服二錢淡鹽湯下加人參一兩尤妙

脚氣

脚氣者。脚下腫痛。卽痹症之類也。因其痛專在脚。故以脚氣名之。其腫者名濕脚氣。不腫者名乾脚氣。濕脚氣水氣勝也。煗脚氣主之。乾脚氣風氣勝也。四物湯加牛膝木瓜主之。

續柳散 脚氣謂之壅疾。不宜驟補。

檳榔

牛膝

防己

獨活

秦艽 各一錢

青木香

天麻

赤芍 各八分

桑枝 二錢

當歸 五分

水煎服

四物湯 見虛症

瀉風

瀉風。瀉也。俗稱大瀉風。濕熱在內。而爲風鼓之。則肌肉生蟲。白屑重疊。搔癢頑麻。甚則眉毛脫落。鼻柱崩塌。事不可爲矣。治法清濕熱。祛風邪。以苦參湯。地黃酒並主之。外以當歸膏塗之。柱往取效。未可遽視爲廢疾而忽之也。

苦參湯

苦參 一錢五分

生地 二錢

黃柏 五分

當歸

秦艽

牛蒡子

赤芍

白蒺藜

丹參

丹皮

銀花

貝母 名一錢

加甘菊三錢水煎服

地黃酒

生地 二兩

黃柏

苦參

丹參

草薺

菊花

銀花

丹皮

赤芍

當歸

枸杞子

蔓荊子

赤茯苓

各一兩

秦艽

獨活

威靈仙

各五錢

桑枝

一兩五錢

烏梢蛇

去頭尾一具

右煮好頭生酒五十斤，退火七日用。

加味當歸膏

治一切瘡疹，並癰腫收口皆效。

當歸

生地 各一兩

紫草

木鼈子

去殼

麻黃

大癩子

去殼研

防風

黃柏

玄參 各五錢

麻州 八兩

黃蠟 二兩

先將前九味入油熬枯，濾去渣，再將油復入鍋內，熬至滴水成珠，再下黃蠟，試水中不散為度，傾入盞碗內，坐水中，出火三日，聽搽。

噎隔

古方治噎隔，多以止吐之劑通用，不思吐濕症也。宜燥噎隔燥症也。宜潤經云：三陽結謂之隔，結結熱也。熱甚則物乾，凡噎隔症不出胃脘乾稿四字，稿在上脘者，水飲可行，食物難入，稿在下脘者，食雖可入，久而復出，夫胃既稿矣，而復以燥藥投之，不愈益其燥乎？是以大小半夏二湯在噎隔門為禁劑，十嘗用啟。

膈散開關更佐以四君子湯調理脾胃。挾鬱者則用逍遙散主之。雖然藥道遙而人不逍遙亦無益也。張雞峯云此症乃神思間病。法當內觀靜養。斯言深中病情。然其間有挾蟲挾血挾痰與食而為患者。皆當按法兼治。不可忽也。

啓膈散 通噎隔開關之劑屢效

沙參 三錢

丹參 三錢

茯苓 一錢

川貝 去心一分

鬱金 五分

砂仁 四分

荷葉蒂 二箇

杵頭糠 五分

水煎服。虛者加人參。前症若兼蟲積加胡連蘇莢甚則用雄黃散以吐之。若兼血積加桃仁紅花或另以生韭汁飲之。若兼痰積則廣惺紅。若兼食積則加藟子麥芽山

查。此症有生蛇蚘者。華陀以醋蒜食之。令飽則吐物而出。真神法也。

四君子湯 見虛症

調中散 通噎隔、開關和胃、

北沙參 三兩

荷葉 去筋淨

廣陳皮 浸去白

茯苓 一兩

川貝母 去心、精朱

丹參 二兩

陳倉米 炒熟、三兩

五穀蠹 酒炒焦、黃一兩

共為細末。每用米飲調下二錢。日二服。

逍遙散 見類中

河間雄黃散

雄黃

瓜蒂

赤小豆

各一錢

共爲細末。每服五分。溫水調。滴入狗油數題。服下。以吐爲度。吐去隔間小蟲。隨用五味異功散安之。續用逍遙散調之。

痢疾

古人治痢多用墜下之品。如檳榔枳實厚朴大黃之屬。所謂通因通用。法非不善矣。然而效者半。不效者半。其不效者。每至纏綿難愈。或嘔逆不食。而成敗症者。比比皆是。予爲此症仔細揣摩。不捨置。忽見燭光。遂恍然有得。因思火性炎上者也。何以降下於腸間。而爲痢。良由積熱在中。或爲外感風寒所閉。或爲飲食生冷所遏。以致火氣不得舒伸。逼迫于下。裏急而後重也。醫

者不察。更用煨榔等藥下。墜之。則降者愈降。而痢愈甚矣。子因製治痢散。以治痢症初起之時。方用葛根爲君。鼓舞胃氣上行也。陳茶苦參爲臣。清濕熱也。麥芽山查爲佐。消宿食也。赤芍藥。廣陳皮爲使。所謂行血則便膿自愈。調氣則後重自除也。製藥普送。效者極多。惟於腹中脹痛。不可手按者。此有宿食。更佐以撲黃丸下之。若日久脾虛。食少痢多者。五味異功散。加白芍黃連。木香。清而補之。氣虛下陷者。補中益氣湯。升提之。若邪熱穢氣塞于胃脘。嘔逆不食者。開噤散。啟之。若久痢變爲虛寒。四肢厥冷。脈微細。飲食不消者。附子理中湯。加桂溫之。夫久痢必傷腎。不爲溫煖元陽。誤事者衆矣。可不謹與。

治痢散 治痢疾初起之時不論赤白皆效

葛根

苦參

炒酒

陳皮

陳松蘿茶

各一斤

赤芍

炒酒

麥芽

炒

山查

炒各十兩

右為細末每服四錢水煎連末藥服下小兒減半忌葷腥麪食煎炒閉氣發氣諸物本方加川連四兩尤效

樸黃九

治痢疾初起腹中實痛不得手按此有宿食也宜下之

陳皮

厚朴

姜汁炒各十二兩

大黃

一斤四兩酒蒸

廣木香

四兩

荷葉水疊為丸如葉莖大每服三錢開水下小兒一錢

五味異功散

即六君子湯除半夏見類中門

補中益氣湯

見類中

開噤散

治嘔逆食不入書云食不得入是有火也故用黃連

痢而不食則氣益虛故加人參虛人久痢並用此法

人參

川黃連

姜水炒各五分

石膏蒲

七分不見欬

丹參

三錢

石蓮子

去殼即建蓮中有黑殼者

茯苓

陳皮

陳米

一撮

冬瓜仁

去殼一錢五分

荷葉蒂

二箇

水煎服

附子理中湯

見中寒門

泄瀉

書云濕多成五瀉。瀉之屬濕也。明矣。然有濕熱。有濕寒。有食積。有脾虛。有腎虛。皆能致瀉。宜分而治之。假如口渴。溺赤。下瀉。腸垢。濕熱也。溺清。口和。下瀉。清穀。濕寒也。胸滿。痞悶。噎腐。吞酸。瀉下。臭穢。食積也。食少。便頻。面色。眇白。脾虛也。五更天明。依時作瀉。腎虛也。治瀉。神木散主之。寒熱食積。隨症加藥。脾虛者。香砂六君子湯。腎虛者。加減七神丸。凡治瀉。須利小便。然有食積未消者。正不宜利。小便必俟食積既消。然後利之。斯為合法。神木散。見類中。燥濕利脾。消積滯。為止瀉之良藥。濕熱加連翹。濕寒加炮薑。木香。食積加山楂。麥芽。神曲。香砂六君子湯。見類中。治脾虛作瀉。挾寒者。加薑桂。甚加附子。

加味七神丸 止堅瀉如神

肉苳菴

煨 麩 炒

吳茱萸

去梗湯 泡七次

廣木香

各一兩

補骨脂

二兩 酒炒

白米

陳土炒 四兩

茯苓

車前子

去殼蒸 二兩

大棗煎湯、煮為丸、每服三錢、開水下、

瘡疾

瘡者暴虐之狀。因形而得名也。經曰、陰陽相搏而瘡作矣。陰搏陽而為寒、陽搏陰而為熱。如二人交爭、此勝則彼負、彼勝則此負、陰陽互相勝負、故寒熱並作也。善治瘡者、調其陰陽、平其爭勝、察其相兼之症、而用藥得宜、應手可愈。大法、瘡症初起、香蘇

散散之。隨用加減少柴胡湯和之。二三發後止瘧丹截之。久瘧脾虛六君子湯加柴胡補之中氣下陷補中益氣湯舉之元氣既回瘧氣自止。書云一日一發者其病淺兩日十發者其病深。三日一發者其病尤深。然而寒熱往來總在少陽久而不愈總不離乎脾胃蓋胃虛亦惡寒脾虛亦發熱也。疎理少陽扶助脾胃治瘧無餘蘊矣。

香蘇散

見傷寒太陽症

加減小柴胡湯

治瘧症之通劑須按症加減法主之

柴胡

秦艽

赤芍

各一錢

甘草

五分

陳皮

一錢五分

生薑一片、桑枝二錢、水煎服。熱多者加黃芩一錢。寒多者加黑薑五分。口渴甚者加知母一錢、貝母一錢五分。嘔惡加半夏茯苓各一錢、砂仁七分、生薑二片。汗多者祛秦羌、減柴胡一半、加入參一錢、白朮一錢五分。飲食停滯、胸膈飽悶、加麥芽、神曲、山楂、厚朴各一錢。如欲止之、加白蔻仁八分、鼈甲醋炙二錢。更另用止癰丹一二丸、截之神效。若體虛氣弱、加入參、黃芪、白朮各二錢、當歸、茯苓各一錢。久病成癰、母加白朮一錢、木香、枳實各五分、鼈甲二錢。

止癰丹 治癰症二三發後、以此止之、應手取效。

常山火酒炒 葶藶仁去殼 半夏曲姜汁炒

香附米酒炒 青皮去穢醋炒

真六神曲十二兩為末用米飲煮糊為丸如彈子大硃砂為衣輕者一九重者二九紅棗五六枚煎湯化下清晨而東空腹服

六君子湯 補中益氣湯 俱見類中

瘧久變虛宜用前二方主之但真虛者多挾寒須加肉桂附子炮薑砂仁之類溫補元氣甫克收功

論水腫鼓脹

問曰水腫鼓脹何以別之答曰目窠與足先腫後腹大者水也

先腹大後四肢腫者脹也。然水腫亦有兼脹者。脹亦有兼水者。須按其先後多寡而治之。今分爲兩門治者。宜合參焉。

水腫

水腫症有表裏寒熱。腎胃之分。大抵四肢腫腹不腫者表也。四肢腫腹亦腫者裏也。煩渴口燥溺赤便閉飲食喜涼此屬陽水。熱也不煩渴大便自調飲食喜熱此屬陰水。寒也。先喘而後腫者腎經聚水也。先腫而後喘或但腫而不喘者胃經蓄水也。經云腎者胃之關也。關閉則水積然胃病而關亦自閉矣。治胃者五皮飲加減主之。治腎者腎氣丸加減主之。或問書云先喘後腫其病在肺何也。答曰喘雖肺病其本在腎。經云諸痿喘嘔皆

屬于下是也。若外感致喘，或專屬肺經受邪，內傷致喘，未有不
由於腎者。治者詳之。

五皮飲 治胃經聚水，乃通用之劑。華佗中藏經之方也。累用
累驗。

大腹皮

黑豈汁洗

茯苓皮

陳皮

桑白皮

各一錢五分

生薑皮

八分

水煎服。仲景云：腰以上腫，宜發汗，加紫蘇、秦艽、荆芥、防風。
腰以下腫，宜利小便，加赤小豆、赤茯苓、澤瀉、車前子、草薢。防
已若大便不通，宜下之，加大黃、葶藶。腹中脹滿，加荀子、厚朴。
陳皮、麥芽、山楂。體虛者，加白木、人參、茯苓。審是陰水，加

附子乾姜肉桂。○審是湯水。加黃連黃芩黃苓。○挾痰者加半夏生薑。既消之後。宜用理中湯健脾胃。或以金匱丸溫暖命門。或以六味加牛膝車前。滋腎水。清餘熱。庶收全功。

附子理中湯 見中寒

金匱腎氣丸 治腎經聚水。小便不利。腹脹肢腫。或痰喘氣急。漸成水蠱。其效如神。然腎經聚水。亦有陰陽之分。不可不辨也。經云。陰無陽無以生。陽無陰無以化。經又云。膀胱者。州都之官。津液藏焉。氣化則能出矣。假如腎經陽虛。陰無以生。真水不能制水者。宜用此丸。假如腎經陰虛。陽無以化。真陰不能化氣者。宜用本方。去附桂。主之。東垣云。土在雨中化爲泥。

陰水之象也。河間云夏熱之甚，底土蒸溽，陽水之象也。知斯意者，可以治水矣。

大熟地 八兩

山藥 四兩

山萸肉

丹皮

澤瀉

車前子

牛膝 各二兩

茯苓 六兩

肉桂 一兩

附子 一兩 虛寒甚者倍之

用五加皮八兩，煮水一大碗，濾去渣，和藥，加煉蜜為丸。如桐子大，每早開水下四錢。前症若屬陰虛，本方祛桂，附加文蛤牡蠣各二兩，濕熱甚者加黃柏五錢，不用五加皮，以萆薢八兩熬汁代之。

論血分水分

婦人經水先斷後發腫者名曰血分通經丸主之先發水腫然後斷經者名曰水分五皮飲送下通經丸主之

通經丸

當歸尾

赤芍藥

生地黃

川芎

牛膝

五靈脂各二兩

紅花

桃仁各五錢

香附二兩

琥珀七錢五分

蘇木屑二兩煎酒和砂糖熬化爲丸如桐子大每服三錢酒下。體虛者用理中湯送下。若血寒加肉桂五錢。

鼓脹

或問方書有鼓脹、蠱脹之別。何也。答曰鼓者中空、無物、有似于

鼓盛者中實有物。非蟲卽血也。中空無物。填實則消。經所謂塞
因塞用是已。中實有物。消之則平。經所謂堅者削之是已。然脹
滿有寒熱虛實淺深部位之不同。若不細辨。何由取效。假如溺
赤便閉。脈數有力。色紫黑。氣粗厲。且渴飲冷。唇焦舌燥。多屬于
熱。假如溺清便澹。脈細無力。色眊白。氣短促。喜飲熱湯。舌潤口
和多。屬於寒。又如腹脹按之不痛。或時脹時減者。爲虛。按之愈
痛。腹脹不減者。爲實。凡脹滿飲食如常者。其病淺。飲食減少者。
其病深。且脹有部分。縱是通腹脹滿。亦必有脹甚之部。與病先
起處。卽可知屬何藏府。而用藥必以之爲主。東垣治脹滿不外
枳木補中二方。出入加減。寒熱攻補。隨症施治。予因製和中丸。

普送效者甚多有力者當修合以濟貧乏。文氣虛中滿宜用白
木丸而以六君子湯佐之中空無物不用枳實恐傷氣也。

枳木丸 除脹消食

枳實 一兩 白朮 二兩 陳
麩 少 土炒

共為末荷葉包爛飯煨透杵和為丸每服二錢開水下

補中益氣湯 見類中

和中丸

白朮 陳土炒 扁豆 炒三
四兩 兩 茯苓 一兩
五錢 枳實 二兩
麩炒

陳皮 三兩 神曲 炒黑
麥芽 炒 山楂 炒

香附 姜汁炒 砂仁 一兩
二兩 五錢 半夏 姜汁炒
一兩 丹參 二兩
酒蒸

五穀蟲

三兩酒拌炒焦黃色

荷葉一枚煎水疊爲丸每日上午下午開水吞二錢此方不寒不熱和平之治法也。若寒盛加乾姜吳萸肉桂。如若濕熱盛加黃連連翹。若大便閉結先用三黃枳朮丸下之。隨用本方漸磨之。若兼瘀血加厚朴赤芍。若脾虛氣弱用六君子湯吞服此丸或以補中益氣湯送下此醫門之秘法不可不講。

白朮丸 治氣虛中滿

白朮

一

茯苓

陳皮

各二兩

砂仁

神曲

各一兩五錢

五穀蟲

用荷葉老米煎水疊為丸每服三錢開水下

三黃枳木丸 治熱食所傷肚腹脹痛並濕熱脹滿大便閉結

者

黃芩

一兩酒炒

黃連

四錢酒炒

大黃

七錢五分酒蒸神曲

炒

枳實

炒

白朮

陳土炒

陳皮

各五錢

荷葉煎水疊為丸如菜菔大每服一錢五分或二三錢連八

虛實用

六君子湯

見類中

積聚

積者推之不移成於五臟多屬血病聚者推之則移成於六腑

多屬氣病。治積聚者。當按初中末之三法。為邪氣初客。積聚未
 至。宜直消之。而後和之。若積聚日久。邪盛正虛。法從中治。須以
 補瀉相兼為用。若塊消及半。便從末治。即住攻擊之藥。但和中
 養胃。導達經脈。俾榮衛流通。而塊自消矣。更有虛人患積者。必
 先補其虛。理其脾。增其飲食。然後用藥攻其積。斯為善治。此先
 補後攻之法也。初治太無神助散主之。中治五中丸主之。末治
 理中湯主之。予嘗以此三法互相為用。往往有助。

太無神功散 治痞積不拘氣血飲食蟲積痰水皆效。

地扁蓄 瞿麥穗 大麥芽 神曲
各五錢 各五錢 二錢 五錢

沉香 木香 甘草 大黃
各一錢 各五錢 二錢 二錢

右爲細末每服二三錢燈心竹葉煎湯及無灰酒調服女以
燈心紅花當歸煎湯及無灰酒送下忌油膩動氣之物及房
室一月藥須黃昏服勿食晚飯大小便見惡物爲度

和中丸

見鼓脹

書云肝之積在左脇下名曰肥氣加柴胡龍甲

青皮莪朮肺之積在右脇下名曰息賁加白蔻仁桑白皮鬱
金心之積起臍上上至心下大如臂名曰伏梁加石苴蒲厚
朴紅花莪朮脾之積在胃脘腹大如盤名曰痞氣加厚朴腎
之積在臍下發於小腹上衝心而痛名曰奔豚另用奔豚丸
主之熱積加黃連黃芩寒積加肉桂乾姜附子酒積加葛根
痰積加半夏水積加桑白皮赤小豆血積加桃仁紅花乾漆

肉積加阿魏山查

奔豚丸

川棟子

煨去肉 一兩

茯苓

肉桂

三錢

附子

炮

橘子

鹽酒炒各 一兩伍錢

吳茱萸

湯泡七次 各五錢

荔枝子

煨入 錢

小茴香

木香

各七錢

熬砂糖為丸每服二錢淡鹽湯下若有熱者去桂附

理中湯

見中寒

疝氣

疝者小腹痛引睪丸也經云任脈為病男子外結七疝女子帶

下瘕聚七疝者一曰

疝氣上衝心二便不通也二曰狐疝臥

則入腹。立則出腹也。三日癰疽陰囊腫大如斗如升也。四日厥
疽肝氣上逆也。五日癰疽腹有癰瘡痛而熱時下自濁也。六日
癰疽內裹膿血也。七日癰疽內裹膿血小便不通也。愚按厥
疽卽癰疽。癰疽卽癰疽。其各有七。其實五者而已。疽之根起
於各臟而歸併總在厥陰。以肝主筋又主痛也。治疽之法非一
而分別不外氣血。氣則遊走不定。血則凝聚不散也。橘核丸加
減主之。

橘核丸 通治七疽

橘核

二兩 鹽酒炒

小茴香

川棟子

煨去

桃仁

去皮尖及雙仁者炒

山查子

炒一兩

香附

醋炒一兩

廣木香

紅花

各五錢

以神曲三兩打糊爲丸。每服三錢。衝痼用白茯苓一錢。松子仁三錢煎湯送下。狐疝用當歸二錢牛膝一錢五分煎酒送下。癰疔用白茯苓陳皮赤茯苓各一錢煎湯送下。厥疔治同衝疔。瘰疔用丹參白茯苓各一錢五分煎湯送下。瘰疔本方內加五靈脂一兩醋炒赤芍一兩五錢酒炒服時用牛膝一錢五分當歸尾三錢煎酒送下。清瘰疔治法同上。此疔若寒氣深重本方內加吳茱萸肉桂心各五錢甚則加附子一枚。若表寒束其內熱腹痛熱練或流白濁者本方內加黑山梔五錢川草薢一兩吳茱萸三錢湯泡七次吳茱萸散表寒山梔清內熱二者并行丹溪心法也。

小腸氣者。臍下轉痛。失氣則快。

膀胱氣者。臍熱痛。澀于小便。卽胞痺也。

痿者。狀如弓弦。筋病也。

痺者。隱伏于內。疼痛着骨也。

癢者。有塊可徵。血病也。

瘕者。假也。忽聚忽散。氣病也。

以上諸症。雖作痛不引。舉丸故。不以疝名之。然而治法。可以彷彿。前丸加減。或輕或重。因時制宜也。

一 痰飲

凡病未有不發熱。不生痰者。是痰與熱。乃雜病兼見之症。似無

容專立法問矣。然亦有雜病輕而痰飲重。則治以痰飲爲主治。書有五痰之名。以五臟分主之也。五飲之名。隨症見也。其實猶未確當。大抵痰以燥濕爲分。飲以表裏爲別。濕痰滑而易出。多生于脾。脾實則消之。二陳湯甚。則滾痰丸。脾虛則補之。六君子湯。兼寒兼熱。隨症加藥。燥痰澇而難出。多生于肺。肺燥則潤之。貝母瓜蒌散。肺受火刑。不能下降。以致真水上泛。則滋其陰。六味丸。飲在於表者。乾嘔發熱而咳。面目四肢浮腫。香蘇五皮散。飲有在裏者。或停心下。或伏兩腋。咳則相引而痛。或走腸間。輒有聲。用小夏加茯苓湯。隨其部位而分治之。此治痰飲之大法也。書又云。治痰須理脾。以痰屬濕。脾土旺則能勝濕耳。治痰

如此飲亦宜然。然脾經痰飲當健脾以祛其濕。若腎虛水泛為痰為飲者必滋其腎。腎水不足則用六味。若命門真火衰微寒痰上泛者則用八味。腎氣丸補火生土開胃家之關導泉水下流而痰飲自消矣。

二陳湯

半夏

茯苓

陳皮

去白各一錢

甘草

炙五分

生薑二片、大棗二枚煎服。加人參、白朮各一錢名六君子湯。

痰九治實熱老痰變生怪症

大黃

蒸片刻

黃芩

炒各四兩

青礬石

醋煨金色

沉香

細剉各三錢

辰砂

細研水飛二錢

氣水香為泥辰砂為衣每服一錢開水下此藥但取痰積並

不刮腸大瀉為老痰要藥

貝母瓜蒌散

貝母

一錢五分

瓜蒌

一錢

花粉

茯苓

橘紅

桔梗各八分

水煎服

香蘇散

見太陽症

刺五枝飲

見水腫

小律夏加茯苓湯

見傷寒咳嗽

六味丸

十味腎氣丸

即八味丸加車前牛膝並見類中門

嘔吐噦 呃逆

嘔者聲與物俱出。吐者有物無聲。噦者有聲無物。世俗謂之乾嘔。東垣以此三者皆因脾胃虛弱。或寒氣所客。或飲食所傷。以致氣逆而食不得下也。香砂二陳湯主之。然嘔吐多有屬火者。經云食不得入是有火也。食入反出是有寒也。若拒格飲食。點滴不入者。必用薑水炒黃連以開之。累用累效。至於食入反出。固爲有寒。若大便秘結。須加血藥以潤之。潤之不去。宜蜜煎導而通之。蓋下竅開上竅入也。其有因脾胃虛弱而吐者。補中爲主。理中湯。其有因痞積滯礙而吐者。消積爲主。和中丸。若命門火衰不能生土者。補火爲主。八味丸。復有呃逆之症。氣自臍

下道衝上。多因痰飲所致。或氣鬱所發。扁鵲丁香散主之。若寒氣上衝。橘皮竹茹湯主之。至於大病中見呃逆者。是謂土敗木賊。為胃絕。多難治也。

二陳湯 見痰飲 通治嘔吐噎。隨症加減。

前症若脾胃虛弱。加人參白朮。若寒氣所侵。加薑桂甚。加附子。若飲食所傷。加山楂麥芽神曲香附砂仁藿香。若飲食沖口而出。不得入者。是為有火。加黃連山梔。若大便秘燥。加當歸黃芩知母。若有積滯。宜兼服和中丸。

理中湯 見中寒

和中丸 見蠱脹

八味丸 見類中

扁散丁香散 見傷寒呃逆

橘皮竹茹湯

陳皮

去白
二錢

竹茹 一團

半夏

人參

甘草

各一錢

水煎服

三消

經云。渴而多飲。爲上消。消穀善飢。爲中消。口渴小水。如膏者。爲下消。三消之症。皆燥熱結聚也。大法。治上消者。宜潤其肺。兼清其胃。二冬湯主之。治中消者。宜清其胃。兼滋其腎。生地八味湯主之。治下消者。宜滋其腎。兼補其肺。地黃湯主之。夫上消清胃。使胃水不得傷肺也。中消滋腎者。使相火不得而攻胃也。下消清肺者。滋上源以生水也。三消之治。不必專執本經。

而滋其化源。則病湯。疾。書。又云。飲一溲一。或飲一溲二。或溲
危急。仲景用八味丸。注之。所以安固腎氣也。而河間則用黃漢
湯。和平之劑。大抵肺腎虛而不寒者。宜用此法。又按仲景少陰
篇云。腎經虛。必頻數熱湯。以自救。乃同氣相求之理。今腎經虛
寒。則引水自灌。虛寒不能約制。故小便頻數。似此。不必與消症
同論。宜用理中湯。加益智仁。注之。然予嘗見傷暑發喘之症。小
便極多。不啻飲一而溲二者。用六味丸。知柏而效。可見此症。又
由腎經陰虛而得。治宜通變。正當臨症制宜。未可一途而取也。
二冬湯 治上消

天冬

二錢
去心

麥冬

三錢
去心

花粉

一錢

黃芩

一錢

升母一錢

甘草五分

人參五分

荷葉一錢水煎服

生地八物湯 治中消

生地三錢

山藥一錢五分

知母一錢五分

麥冬三錢

黃芩一錢

黃連一錢

黃柏一錢

丹皮一錢五分

荷葉二錢水煎服

六味地黃湯 見類中

生脈散

麥冬二錢 人參一錢

北五味子 十五粒

水煎服

八味丸六味加桂附

黃芪湯治肺腎兩虛飲少溲多

黃芪 三錢

五味子

一錢

人參

麥冬

枸杞子

大熟地

各一錢五分

冰煎服

理中湯 現中寒

熱淋

淋者小便頻數不得流通溺已而痛者也。大抵由膀胱經濕熱所致。然淋有六種。一曰石淋。下如砂石。有似湯瓶久在火中底結白碱也。益元散加琥珀末。王太陰曰。膏淋。滴下濁液如脂膏。

也。真蘇飲主之。三曰氣淋。氣滯不通。水道阻塞。臍下妨悶。脹痛是也。假蘇散主之。四曰血淋。瘀血停蓄。莖中割痛。難忍是也。生地四物湯加紅花。桃仁。花蕊石主之。或兼服代抵當丸。五曰勞淋。勞力辛苦而發。此爲氣虛。以至氣化不及。州都補中益氣湯主之。六曰冷淋。寒氣堅閉。水道不行。其症四肢厥冷。口鼻氣冷。喜飲熱湯是也。金匱腎氣湯主之。更有過服金石熱藥。敗精流注。轉而爲淋者。又老人陰已痿。而思色以降其精。則精不出而內敗。以致大小便牽痛如淋。愈痛則愈便。愈便則愈痛。宜用前真蘇飲。黃柏加菟絲。遠志導去其精。然後用六味地黃湯補之。方爲有益。淋症多端。未可執一而論也。

益元散

見類中

萆薢飲

治膏淋並治諸淋

萆薢

三錢

文蛤粉

細研

石薑

車前子

茯苓

各一錢五分

燈心

二十

蓮子

石菖蒲

黃柏

各八分

假蘇散

治氣淋

荊芥

陳皮

香附

麥芽

炒

瞿麥

木通

赤茯苓

各等分爲末每服三錢開水下

生地四物湯

即四物湯以生地易熟地方見虛勞

代抵當丸

生地

當歸

赤芍

各一兩

川芎

五靈脂

各七錢五分

大黃

錢一兩五錢酒蒸

砂糖為丸每服三錢開水下

補中益氣湯

見類中

金匱腎氣湯

見水瀉

小便不通

關格

孕婦轉脬

小便不通謂之癃閉。癃閉與淋症不同。淋則便數而莖痛癃閉則小便點滴不通也。東垣云。渴而小便不通者熱在上焦氣分也。宜用四苓散。加山梔黃芩等藥以分利之。若大便亦閉加大黃玄明粉之類。不渴而小便不利者熱在下焦血分也。宜用滋

陰化氣之法。若滋腎丸之類。是曰大法。無陽則陰無以生。無陰則陽無以化。下元真陰不足。則陽氣不化。必滋其陰。若下元真陽不足。則陰氣不生。必補其陽。譬如水腫鼓脹。小便不通者。服金匱腎氣丸。而小便自行。陰得陽以生也。復有除桂附服之而亦效者。陽得陰而化也。此陰陽氣化之精義也。更有小便不通。因而吐食者。名曰關格。經云。關則不得小便。格則吐逆。關格者。不得盡其命矣。宜用假蘇散治之。又丹溪治孕婦轉時小便不通者。用補中益氣湯。隨服而探吐之。往往有效。譬如滴水之器。上竅閉。則下竅不通。必上竅開。然後下竅之水出焉。丹溪初試此法。以爲偶中。後來屢用屢驗。遂特爲救急良方。每見今人治

轉脬症。投補中益氣而不為探吐。且曰古法不效。有是理乎。子嘗用茯苓升麻湯。治此有驗。蓋用升麻以舉其胎氣。用茯苓以利小便。用歸芎以活其胎。用苧根理胞絲之繚亂。此以升劑為通之法也。附錄於此。以俟明哲。

四苓散 即五苓散去桂枝方見太陽府病

滋腎丸

黃柏 炒褐 知母 蒸各二兩 肉桂 去皮一錢

煉蜜丸。如梧桐子大。每服七八十丸。開水下。

金匱腎氣丸 見水腫 假蘇丸 見淋症

補中益氣湯 見類中

茯苓升麻湯

茯苓赤白各五錢升麻一錢五分當歸二錢

川芎一錢芎根三錢

急流水煎服或調琥珀末二錢服更佳

大便不通大小腸交遺尿脫肛

經曰北方黑色入通於腎。開竅于二陰。是知腎主二便。腎經津液乾枯。則大便閉結矣。然有實閉。虛閉。熱閉。冷閉之不同。如陽明胃實。燥渴譫語。不大便者。實閉也。小承氣湯下之。若老弱人精血不足。新產婦人。氣血乾枯。以致腸胃不潤。此虛閉也。四物湯加松子仁。柏子仁。肉蓯蓉。枸杞。人乳之類。以潤之。或以蜜煎。

導而通之。若氣血兩虛。則用八珍湯。熱閉者。口燥唇焦。舌胎黃。小便赤。喜冷惡熱。此名陽結。宜用清藥攻下之法。三黃枳朮丸。主之。若冷閉者。唇淡口和。舌胎白。小便清。喜熱惡寒。此名陰結。宜用溫藥而兼潤燥之法。理中湯加歸芍。主之。凡虛人不大便。未可勉強通之。大便雖閉。腹無所苦。但與潤劑。積久自行。不比傷寒邪熱消燥。津液有不容刻緩之勢也。予嘗治老人虛閉。數至圖而不能便者。用四物湯加滋潤藥。加升麻。屢試屢驗。此亦救急之良法也。

大小腸交陰陽拂逆也。大便前出。小便後出。名曰交腸。五苓散主之。復有老人陰血乾枯。大腸結燥。便溺俱自前出。此非交腸。

乃血液枯涸之徵。氣血衰敗之候也。多服大劑八珍湯。或可稍延歲月耳。

遺尿有二症。一因脾胃虛弱。倉廩不固。腸滑而遺者。一因火性急速。逼迫而遺者。宜分別治之。脾虛理中湯。火盛芍藥甘草湯。加黃連。

脫肛亦有二症。一因氣虛下陷而脫者。補中益氣湯。一因腸胃有火。腫脹下脫者。四物加升麻黃芩荷葉之屬。

小承氣湯

見傷寒少陰經症

四物湯

見虛勞

蜜煎導法

見傷寒

八珍湯

見虛勞

三黃枳朮丸

見腹痛

理中湯

見傷寒中寒門

五苓散

見太陽病

芍藥甘草湯

見腹痛

補中益氣湯

見類中

小便不通

經云。膀胱不利爲癰。不約爲遺溺。所以不約者。其因有三。一曰肝熱。肝氣熱則陰挺失職。書云。肝主疎泄。是已。加味逍遙散主之。二曰氣虛。中氣虛則不能統攝。以致遺溺。不補湯主之。大抵老幼多見此症。悉屬肝氣不固。老人挾寒者多。小兒挾熱者衆。挾寒者用本方。挾熱者六味地黃丸。三曰腎敗。有言反曰。洩便自遺者。此腎絕也。傷寒日久見之。多難救。中症見之。隨用六劑。附子理中湯。頻灌。間有得生者。蓋暴脫者。可以暴復。若病勢日

深則不可也。然中症亦有陰虛而遺溺者。不宜偏用熱藥治此者。詳之。

加味道遙散 見癰中

十全大補湯 見虛勞

六味地黃丸 見虛勞

附子理中湯 見中寒

便血

便血症有腸風有臟毒有熱有寒。病人臟腑有熱風邪乘之。則下鮮血。此名腸風。清魂散主之。若腸胃不清。下如魚腸。或如豆汁。此名臟毒。芍藥湯主之。凡下血症脈數有力。脣焦口渴。喜冷畏熱。是為有火。宜用前方加黃芩。丹皮。生地之屬。若脈細無力。脣淡口和。喜熱畏寒。或四肢厥冷。是為有寒。宜用溫藥止之。理

中加歸芍。主之。若便久不止。氣血大虛。宜用歸脾。卜。至。津。統。血。歸經。血本屬陰。生於陽。氣治者。宜滋其化源。

清魂散

荆芥 三錢

當歸 五錢

水煎服

芍藥湯 見腹

理中湯 見中

歸脾湯

十全大補湯 俱見症

尿血

心主血。心氣熱。則遺熱於膀胱。陰血妄行而溺出焉。又肝主疎泄。肝火盛。亦令尿血。清心阿膠散主之。平肝加味逍遙散主之。若久病氣血俱虛。而見此症。八珍湯主之。凡治尿血。不可輕用。

止瀉藥恐積聚于陰莖痛楚難當也。

阿膠散

阿膠水化開丹參

生地各二錢

黑山梔 丹皮

血餘即亂髮燒灰存性

麥冬 當歸各八分

水煎服

加味逍遙散見類中

八珍湯見虛勞